


# KUHETA CHIKOLO

## CHA MUKAKOLE

 Chimene chamwaza, kalamuthu. Kaha kuwahilila kukinduluka cheka chimene chino ha mbalaka, na kulombelela vathu vakakuviza lelo. Echi chili, kakavulu, etu tweji kwesekanga kwingila, kakavulu chikuma, kaha—kaha valombelenu vathu vaze vaneza nakufuma kuvihela vyakuhandunuka handunuka, na kulomba.

Kaha jino tulinakuya kalinwaha, jino, mwomwo ya kuliwana chaku California na West Coast. Kaha etu twatondeka kulomba chenu vene, nge Kalunga wa Mwilu atuvwile keke kuze kaha akatuhane kutanga chachinene.

Kwingilamo kaha, zau, mokomoko ufuku unahichi, pamo, kukotokela. Kaha zau lyapwanga limwe lya... Chamwaza, likumbi shimbu kanda zau, kaha zau, lyapwile limwe hali aze makumbi achila amu chiyoyelo chami. Kuze, Ngunatachikiza hali vathu vavali, mokomoko vatatu, mu zuvo ize vapwilenga vinjiho vakusuluka cha Mwata, zau. Kaha chachinene, chuma chamwaza kusoloka, chize Ngwahonene kupwa na lwola chino chimene kumilweka. Oloze pamo Chalumingo nachizaho nachimene, shimbu kanda etu tuyenga, Nguli pamo na lwola, mu Mujimbu, ku—ku kukulweka ove. Kachi Mwata netava, Nanguya, nakulombelela mukakuviza, Chalumingo na chimene. Etu twatondo kusezaho hachize, kachi chinahase, mwomwo San Jose kuliwana cha San Jose, California. Kaha kachi enu namupwa na vathu hakamwihi, kuze ku West Coast, chize chinapu, etu kufwelela, nachiya nakupwa pamo ola ize Ngunatalilanga, chikuma, kwalumuka cha mulimo wami kwiza. Kaha echi chili hakamwihi, Ngwashinganyekele nge nachiya nakusoloka zau. Kaha Ngwafwelela nge nachiya nakupwa hano vene, kaha nachiya nakupwa kuhambakana kalachuma chize etu vamwene mokomoko kwivwa, olozenyi. Jino, enu anukenu, chinapu MUKIKO MWANAMBE MWATA. Talenu? Kaha shikaho etu tuli nakuvandamina echi, kala lwola.

Kaha etu tuli na kupwa na kuliwana jino ha chihela chamwaza. Ngwafwelela echi chakwoloka, keshi ngochoko, Gene? Ha chihela chamwaza kuze ku San Jose, California. Kaha nachiya nakupwa kuliwana cha makumbi likumi, kuputukila ha 20, kutwala naku 29, ku—ku San Jose. Jino, ngwanukenunga kaha na kutulombelako.

Jino etu tukwechi pamo, kachi etu natufuma halwola, lumwe na chimbwa jino, nge etu tuli nakuya nakuputuka kutanga chetu

na kuhindula vakakuviza na kuneha Lizu. Ngunasakula, chimo chimene, chihanda chachindende cha Chisoneka, vihela vivali mu Mbimbiliya, kuhanjikaho.

Oloze shimbu kanda etu tuhanjike, echa etu tunongame mitwe yetu chindende kaha, tulombe.

<sup>2</sup> Kalunga wa Likoji lyakutona, etu mukulikehesa twakujika ku Litanda Lyove lya likoji chimene chino, nge vana vakuzeneka kutela, oloze kwiza na lufwelelo lwa kuzeneka ujila muli Kalunga, luze vatuhanyine kuli Shipilitu Wajila, kaha Kupwa Chenyi na etu. Kaha kuhichila mulushiko kuli Mwata Yesu, nge kachi etu natwiza mukulikehesa kaha natuhula kalachuma mu Lijina Lyenyi, etu navatuhana kutonda chetu. Shikaho, etu katwatala kunyima hakuwaha chetuko, mwomwo etu katweshi nakala chumako, oloze etu natutala kunyima kuze kukuwaha cha Kavali, kuze kuli likoji lyetu vatuhanyine lyawana muli Mwana Kalunga. Kaha etu katweshi kwimika masoji aze ali nakumbwelumuka mujishingo jetuko, omwo etu natushinganyeka hali etu, vathu vakuzeneka kutela, kaha omu chize ha likoji Lyenyi kuze ku Kavali Ikiye alingile chize hali etu, mangana etu tupwenga vakuneha hakamwihi na Kalunga, na kuusoko. Kaha jino etu twapwa vana vamaunga na vamaapwevo kuli Ikiye.

<sup>3</sup> Kaha etu tuneza chimene chino, Mwata, mwishi ya eyi fulumba yayindende, kulikunjika etu vavene, mwomwo ya kutanga, kwitavila jishili jetu, kaha—kaha mu kulifukula cha Ukalunga. Etu twafwelela nge Ove muya nakupwa hamwe na etu kaha kutuhana kumona Chove chakushipilitu chakwiza chove, nge etu tunahase kuwahisa michima yetu hakumbi hakumbi mwomwo yachuma chachinene chinazoloka ha myaka masauzande. Mwamuchano tengeso yosena yili nakuyayavala, kulila kutonda kukasunuka. Kaha mashipilitu etu mukachi ketu, Mwata, ali nakutwalilaho kwitavila, nge, “Etu twapwa vakakuzuzumana kaha vangeji, kaha echi kacheshi limbo lyetuko, oloze etu tweji kutondatondanga Mbongi Yikwechi Mukakutungu na nakuyitunga apwa Kalunga.” Etu natutala hali elu lwola lwalunene kwiza.

<sup>4</sup> Mwata, etu natuhakako mangana kachi echi kuliwana, omwo etu twalikungulula hano, etu twalombo hali vana Vove vali nakuviza na kuyanjiwisa. Kaha etu twalombo nge Ove muya nakuliwana na etu lelo mujila yimwe yakulimanyina, kuhindula misongo yosena na misongo mukachi ketu. Kaha echi chinahase kupwa, Mwata, nge elu lushiko luze Ngunahichi kuhanjika cha, mukukunguluka hamwe na Ove uze zau, hanyima ya musana, kaha nomu Ove omu unenjikiza echi na cheka. Kaha etu tuli nakwivwa nge ola ili hakamwihi. Kaha echa eli lipwenga likumbi, Mwata, nge nachiya nakusoloka, nge Ove nauya nakwalumuna ou mulimo, Mwata, muli chuma chimwe chize nachiya nakupwa chamwaza kuli vathu Jove.

- <sup>5</sup> Kaha jino, Tata Kalunga, etu katweshi kaha nakulombela ava kahako hano, oloze navaze vali kwosena mukaye kosena, nge vali nakutondeka, nakushipilitu na kumujimba. Kuvahana vakiko, Ove Mwata, kufwila cha michima yavo, mwomwo vana Vove vali nakupalatata muma makumbi ano. Uze wakuhonesa mukakole wakuzama chikuma, oloze Ove wapwa wangolo. Mwomwo echi vachisoneka, “Wamunene Ikiye uze ali muli enu kuhambakana uze ali mukaye.” Ha eyi etu tunafungulula. Hanjika kuli etu kuhichila mu Lizu Lyove lya kusoneka. Kaha omwo etu natuseza chimene chino, echa etu tuhanjike nge vaze vayile kufuma ku Emau, “Kumana michima yetu kayawemanga mukachi ketu muze Ikiye ahanjikilenga kuli etu mujila?” Etu twalombo echi mu Lijina lya Yesu, Uze ahanyine lushiko. Amena.
- <sup>6</sup> Nguli nakutanga jino kufuma muvihela vivali mu Mukanda wa Kuputuka. Umwe wavo atwama mu kapetulu 24, kuputukila na vasi 56, kutanga nge ngana.

*Kaha avambile ngwenyi, Kanda munguhungikako, hamono KALUNGA na fukisa jila yami; Ngusuwulenu kuli kaka yami.*

*Kaha vambile ngwavo, Natusanyika mwanapwevo, nakumwihula twivwe mukanwa kenyi.*

*Kaha vasanyikile Laveka, kaha vamwihwile ngwavo, Nauya nalunga uno tahi? Etavile ngwenyi, Nanguya.*

*Kaha vasuwile Laveka na ndumb- . . . ndumbwavo, na ndeji yenyi, na ndungo ya Apalahama, . . .*

*Kaha vakwiswile Laveka, kaha vamwambile ngwavo, Ove ndumbwetu, ukapwe unevo yavathu makombakaji atununu, kaha vakatanga yove vakahete chikolo chavaze vavahunga.*

- <sup>7</sup> Kaha mu Kuputuka 22, vasi 15, etu tunatange.

*Kaha kangelo ka YEHOVA amusanyikile Apalahama kumufuma mwilu mulwola lwamuchivali,*

*Ambile ngwenyi, YEHOVA nambe ngwenyi, Ngunalishingi ami Lyavene ngwami, mwomwo unalingi chuma chino, ove uli nakuzeneka- . . .kungumina mwanove, mwanove umwe kaha lyamunwe:*

*Shikaho Nangukukisula na kukukisula, kaha Nangukavulisa vakatanga yove nakuvavulisa nge vatanganyika . . .vamwilu, nge muusekulula . . . wakungenge ya kalungalwiji; mukatanga mwakaheta chikolo chavaka kole jenyi;*

*Kaha muli mukatanga yove vaka mafuchi ahamavu vosena navakamona kutokwa; mwomwo ove unononoka mulizu lyami.*

<sup>8</sup> Jino echa Mwata ahake kukisula Chenyi kukutanga cha Mazu Eyi. Jino Ngunatondo kumbata, kachi ou watela kupwa mutwe wachihande, mutwe wachihande chimene chino, chatete, uli, “Kweseka shimbu kanda vikolo vyakushika.” Kaha mutwe wachihande uli: *Kuheta Chikolo Cha mukakole.*

<sup>9</sup> Kalunga napunga na kweseka kakuluka, mwomwo Ikiye amuhanyine lushiko. Kaha omwo Kalunga mwashika lushiko, Ikiye natondo kupwa wakukunyuka nge ou muthu ali wakutela ku lushiko, shimbu Ikiye mwazalisa chuma Ikiye ahanjikile mokomoko chuma Ikiye ashikile. Shikaho Apalahama vamushikile nge kuhichila mumbuto yenyi kaye kosena nakakaya nakupwa kakukisula, nge ikiye mwaya nakupwa na mwana. Kaha, ou mwana walunga, kulovoka muli ikiye atela kwiza Mbuto ize nayiya nakukisula mavu osena. Kaha Apalahama, omwo lushiko vamuhanyine kuli ikiye, apwilenga na myaka sevette faifi yakusemuka; kaha Sala, pwevo lyenyi, apwilenga sikisite faifi ya myaka yakusemuka. Oloze eyi Mbimbiliya yinatulweke nge Apalahama katalyangilile ha lushiko lwa Kalunga, kuhichila mukuzeneka kufwelelako, oloze apwile wakuzama, kuhana kwalisa kuli Kalunga. Kaha Kalunga, lwola hilwola, amwesekelenga, oloze ikiye ejile jino kusongo ya kweseka shimbu kanda kukisula chisoloko.

<sup>10</sup> Kaha omu mukiko chili na Mbuto ya Apalahama. Kalunga eji kutuhananga chize cheseko shimbu kanda Ikiye kuhana lushiko. Kaha kachi chapwile chachashi, Ngunazange kuhanjika nge chumachimwe hano, muuthu, oloze Nanguya nakwimana nachize. Chize nachipwa cheseko chamakumishilo, kumona omu ove muya nakulinga hali chize. Kaha omwo Ikiye ahanyine Apalahama echi cheseko, Ikiye awanyine Apalahama kupwa wamuchano nge muze ikiye aputukile. Kaha kukisula nachiya nakupwa chimene chino kachi etu natumbata lushiko Lwenyi lwa kuka munahase kwimana mumuchano nge muze twalingila omwo etu tunemana hano nakuchitavila. Chipwethuhu ndotolo mwahanjika ika, kwimana kaha hamuchano.

<sup>11</sup> Kaha omwo ikiye alingile echi, kaha ikiye kakanyishile mwanenyiko, oloze ikiye apwile tele himwingisa poko mutulo ya Isaka, mangana eyeke unjiho wenyi. Ikiye uze ambulwile, kwosena kumavu kuze ikiye vamatachikijile, nge ikiye mwakaya nakupwa mwana. Kaha jino omwo mwana walunga ejile, ikiye vamulwekele kukinduluka kunyima, na kwenyeka luze vene lutalililo luze ikiye apwilenga nalwo lwatela kupwa lwakuzalishiwa. Kaha omwo Kalunga amwene nge ikiye apwile wakushishika hali luze lufwelelo luze ikiye apwilenga na Kalunga, Kalunga atalile mwishi ya melu na Ikiye ngwenyi, “Ngunalishingi Amilyavene nge Nanguya nakukukisula na kukuvulisa, kaha mbuto yove naikaheta chikolo chamukakole.” Lushiko kana!

<sup>12</sup> Kaha Laveka, uze apwile nakupwa naye ya echi,

vamushikile, kuvandamina mwana walunga, omwo ikiye vamusanyikile kukweseka chamakumishilo, cha lunga wangeji uze ikiye kanda lyehi amone. Ikiye amwene kaha kuzata cha Shipilitu Wajila. Kaha omwo visemi javo kavahashile kupwa wakuzalilila kupwa ikiye kuya hamwe na ngeji mokomoko chiku, nakupwa pwevo lya lunga uze ikiye kanda lyehi amone, ikiye kuneha kucheseko chamakumishilo. “Etu natuya nakupwa na kanyike wapwevo na kwecha kuhanjika. Etu natuya nakwivwa kufuma mukanwa kenyi chipwe kuya, eyo mokomoko nduma.”

<sup>13</sup> Omu mukiko mujila yatela kuneha Mbuto ya Kalunga. Chatela kupwa kanwa kove. Kalunga atonda kwivwa kufuma kuli ove.

<sup>14</sup> Shikaho omwo ikiye vamuhakile muli chize cheseko, ikiye tele kanda apwenga na munyutu kaha. Ikiye ngwenyi, “Yami nanguya.” Ngwazanga chize. Keshi, “Echa yami ngutwale muvishinganyeka vyami. Echa ngutange hali echi.” Ikiye apwilenga wakukunyuka. Ava vathu Kalunga nahase kuzachisa, omwo ove uli wakukunyuka nge Kalunga mwaya nakulama lushiko Lwenyi. Ngwenyi, “Nanguya.”

<sup>15</sup> Kaha vathu jenyi jino, shikaho vakuwavisa, pamo kavachitachikizako, oloze vakiko apolofwetele nge vakiko vahakile mavoko avo hali ndumbwavo wapevo, kaha namwanavo wapevo; echi chamwaza, mukweze wa pwevo Kayuleya, shimbu vakiko vamuhakile hali ou ngamela na kumutuma kulifuchi lyaungeji, hali vathu lyaungeji. Oloze kwapwile Chumachimwe hali vakiko. Vakiko vambile ngwavo, “Echa mbuto yove yiheta chikolo cha mukakole. Pwako ove mama ya masauzande a miliyoni.”

<sup>16</sup> Kaha, lelo, muyachi wa vathu na vathu ja Kalunga kufuma kukalungalwiji na kukalungalwiji, kujinguluka kaye. Mukusanguka vakiko navakaya nakupwa nge vatanganyika ja Mwilu, nge aze malaiti kumunyika kumbata vihela vyavo, nge vakiko kuya nakuhita muutangatanga. Kaha omwo vakiko vejile, vakiko navaya nakupwa nge hakalungalwiji ha...mokomoko usekulula wakungenge. Nakuya nakupwa masauzande avathu.

<sup>17</sup> “Mbuto yove nayikaya nakuheta chikolo cha mukakole.” Chize chikiko lushiko lwa Kalunga alishingile, “Eyi mbuto ya Apalahama.”

Kahajino, ha Shipilitu Yenyi Wajila, kumona nge nevo apwilenga na chihanda cha mwana, nawa, mwomwo vakiko vali chihanda cha nyama. Kahajino, ou Shipilitu Wajila kuzata kuhichila muli ava vathu, ngwenyi, “Ikiye...Echa Mbuto yove yiheta chikolo cha mukakole.” Jino, Kalunga kulishinga Ikiye mwakaya nakuheta chikolo cha mukakole, kahajino chihela muka cheji kuhaka Liuka lya Kalunga wakuyoya?

<sup>18</sup> Etu twapwa Mbuto ya Apalahama. Mwomwo, etu, hakupwa vakufwa muli Kulishitu, etu twapwa, mbatenu Mbuto ya Apalahama kaha kupwa swana hamwe na ikiye, mwishi ya lushiko lwolumwe. Etu twapwa Mbuto ya Apalahama, kaha twapwa vaswana kala lushiko jize vamuhana ikiye. Oloze omwo chize kweseka kwiza, kuze kukiko etu natuhona. Oloze Kangwafwelela nge Mbuto yamuchano ya Apalahama nayikaya nakuhona. Vakiko kuya nakwimana nge chindume yawangana nge muze alingile Apalahama.

<sup>19</sup> Jino etu twamono nge Kalunga keshi kuhasa kuhanjika chuma chimwe mokomoko—mokomoko kulingisa kala lushiko kuvangila Ikiye mwakaya nakuzalisa echi. Ikiye atela kulinga ngachize mangana apwenga Kalunga. Myaka yahichilemo, omwo vathu vovamwe, vathu valushiko, yize mbuto ya Apalahama vapwile kusali yikwavo, kuya mu—mu lifuchi lya lushiko, kuze kwapwilenga chikolo uze emanyine, kaha na kumufumbukila ikiye, kaha apwilenga ndumbu yenyi walunga, Mowave, hiya ambile ngwenyi, “Enu kamweshi kuhasa kuzauka lifuchi lyamiko. Nanguya nakumona echi enu kamweshi kuhasa kuzauka lifuchi lyamiko.”

<sup>20</sup> Ikiye ambile ngwenyi, “Kachi vangombe jetu navakalya mwila wenu mokomoko kachi vakiko navakanwa meya enu, etu natukaya nakufweta.”

Oloze ikiye ngwenyi, “Ove kaweshi kuhasa kuzauka lifuchiko.”

<sup>21</sup> Oloze lushiko lwa Kalunga lweji kukwata mumuchano. Shikaho vakiko vayile na kumbata kapolofweto kavo, Mbalamu, na kumuneha kwangula vathu. Kaha hano mukiko ikiye ahanjikile. Vakiko vesekele kumulwekesa ikiye chihanda cha mbuto ya kukisula, oloze Kalunga amusolwele ikiye chihanda chamwaza chacho. Ikiye ambile ngwenyi, “Wose mwamushinga na wakwangula, kaha wosena mwamukisula na ikiye navamukisula.” Kaha mukeleko vaushikumwine kaha Isalele kuzauka muchana. Kalunga ashikile ikiye mwayakaya nakuheta chikolo.

<sup>22</sup> Kufuma haze, mu myaka, kwejile umwe na lijina lya Ndanyele, uze apwilenga mumukana wa Mbuto ya Wangana, kaha mumukana wa jishiko, mwomwo ikiye apwilenga Mbuto ya Apalahama. Kaha Kalunga amusakwile shimbu kanda chikuku cha kaye, kupwa kapolofweto Kenyi, kaha ikiye amuyoyelele mu undume kaha ikiye ayoyele. Kaha numba mulifuchi lya ungeji, ikiye ajinyine mumuchima wenyi, “Kangweshi kuhasa kulijilulula yami lyavene na vakiko.” Ize ikiko Mbuto ya mwenemwene ya Apalahama; kuyoyela mulifuchi lize lyakuhandunuka, kuyoyela mukachi ka vathu vaze vakuhandunuka, olozenyi chindume wa lushiko.

“Kangweshi kalijilulula yami lyavene na vakiko. Nanguya nakutwama mumuchano.”

<sup>23</sup> Kalunga amuhake mucheseke nge omu Ikiye alingile ise, Apalahama. Kaha uze mwangana ambile ngwenyi, “Ove muya nakupwa nge umwe wetu kaha kulifukula mujila etu tweji kulifukula, mokomoko Nanguya nakulimbila muwina wavandumba vazala.”

<sup>24</sup> Ndanye, nge ise Apalahama, ambile ngwenyi, “Enu mwahase kungumbila muwina wava ndumba, oloze Kangweshi kunongama kukalachifwanyisako. Kangweshi kupwa hamwe na kulifukula chachifwanyisako. Nanguya nakutwama wamuchano na Yehova.”

<sup>25</sup> Kaha kuze kukiko kwejile nakusolola. Uze mwangana kulama lushiko kaha ikiye ambachile kapolofweto, mokomoko kumumbata ikiye na kumbila mu wina wa ndumba. Kaha omwo uze ndumba, mukakole wa Ndanye, kulyalanga kuli kapolofweto, Kalunga alaminenga lushiko Lwenyi. Ikiye kuheta chikolo cha mukakole. Kalunga emanyine Kangelo kuze kumeso ava ndumba, kaha kumbata chikolo. Kalunga alama lushiko Lwenyi. “Ikiye mwakaya kuheta na chikolo cha mukakole.” Kalunga ahanjikile ngocho.

<sup>26</sup> Jino kuze kwapwile vatathu veka kuze vaze valingishile mukulyononona mumulonga kana, vaze vapwile vene Mbuto ya Apalahama, kaha uze apwile Shadrach na Meshach na Abednego, kaha vakiko vavahakile mucheseke. Kaha vakiko vambile ngwavo, “Kachi enu namuhona kunongama omwo enu namwivwa tulyalya kwimba na jindolombita kuvuma, kachi enu kamweshi kunongamako kukulifukula chetu, kaha nakufuma kuvyuma kana enu muli—muli nakwimanaho! Kaha enu muli vosena vakuzova, mwosena omwo. Kulifukula chenu kacheshi chumako kuhambakana kala muthu.” Etu katweshi nakwivwa nge lwola lwosena ko? Oloze chize—chize kulifukula cha Yesu Kulishitu chinapu chakuhandunuka. Ngolo ja kusanguka Chenyi chinapu chakuhandunuka. Etu tuvathu vakuhandunuka, vathu vakulimanyina, muyachi wa tupilishitu. Kalunga kulingisa chihandwa.

<sup>27</sup> Oloze omwo vakiko vambile ngwavo, “Ove watela kwiza nakupwa umwe wetu.” Echi nachiya nakupwa chakwoloka na Shadrach na Meshach na Abednego kachi vakiko vatondele kupwa umwe wavo, oloze vakiko kavejile nakupwa umweko wavaze venyembo. Jino, vakiko ngwavo, “Kachi enu kaweshi kuchilingako, etu tukwechi chikolo kuze chakulilungu, nge etu tunahase kusokolola na kumimbilamo, kaha enu munashinganyeka enu namuya nakupwa umwe wetu.”

<sup>28</sup> Vakiko anuka lushiko. Vakiko vavashinjikilile muze mulilungu lya kakahya. Kaha omwo vakiko vasokolwele chikolo na kuvambilamo muze mumilangi, mukakole wavo uze

mwavenyeka, vakiko vahetele vikolo cha mukakole. Kalunga kutuma Mwa Nenyi kwingila muli ize milangi ya kakahya na kutuchisa na peho, kaha kuhanjika na vakiko shimbu vakiko vapwile muze. Lushiko lwa Kalunga lwakwachile muchano. Vakiko vahetele chikolo cha mukakole. Kweseka chatete, kahajino vakiko vahetele chikolo cha mukakole.

Keshi Yesu Uze ashikile lushiko? “Kchi enu namuneha mulonga kuli umwe wava vavandende, chapwile chamwaza hali lize lilolwa lyakuchekele lyapwile lyakusukama mushingo yove kaha kachi enu namupwa vakumbila hakalunga lwiji. Kanda numba kuneha mulonga kuli ava vavandende ava vanafwelele muli Yami. Kaha evi vinjikizo navikakavangiza vaze vakakufwelela muli Yami.”

<sup>29</sup> Ikiye alingile chihandwa. Ikiye asolwesele chumamuka ngwafwelela chize vahonene kufwelela.

Kuze, lwola lwosena, kwapwile mazau atatu avathu, chili: uze mukakuzeneka kufwelela, mukakulifwana kufwelela, kaha mukakufwelela. Oloze Kalunga apwile najila yakwinjikiza hiya napu mukakufwelela. Uze mukakufwelela kwimana mbe hachuma Kalunga ahanjikile kupwa Muchano. Eyo.

<sup>30</sup> Apwile Elija, wa Kuchishivi, omwo chejile nakusoloka, palanga ikiye ashinganyekele ikiye apwile umwe kaha mulifuchi uze apwilenga lika nakuyoya hali Kalunga. Kaha uze mwangana apwilenga nakuya nakumuhaka mwishi ya cheseko. Kaha vakiko vali nakuyanjisa ikiye. Kaha uze wamundende, mwangana wakukwita ulombo, ha lijina lya Yezevele, kumuwvisa chiyoyelo chenyi. Kaha omwo chejile nakusoloka, Elija ahetele vikolo vya mukakole na kwalumuna lifuchi lyosena kuli Kalunga cheka. Kalunga alama lushiko Lwenyi.

<sup>31</sup> Apwilenga Mose, hanyima hakupwa nawa mumukana wa Mbutu ya wangana, eyi Mbutu ya Apalahama, nge omwo ikiye vamutumine kuya ku Ejipitu, kusokola vana va Isalele; kaha Kalunga amuhanyine vinjikizo na vikomwesa kuzata, na kuveta ha hamavu, kaha kuneha vimbotwe, kaha vambwangala, na milima, na hetese, na vvula, na kakahya, kaha kulinga vikomwesa evi. Ohonyi, omwo ikiye avatwaminyinyine kulivoko lya Yehova, kwejile lwola omwo ikiye aliwanyine na chikolo mukachi ka ikiye na lifuchi lya lushiko. Kuze kwapwilenga Kalungalwiji Uchila, panda yamulangi wakakahya mujila. Vakiko vapwile vakujingilika kumaswalale ja Fwalo, jipili, kaha mupambo, kaha Kalungalwiji Uchila. Oloze Mose ejile kulutwe na kuheta chikolo cha mukakole, kaha kuzauka Kalungalwiji Uchila, kuma, nge omu ikiye apwile nakutambuka mujila yalukungu. “Ikiye mwakaheta chikolo cha mukakole.” Kalunga ambile ngocho, kaha mukiko kaha.



<sup>32</sup> Mwahichile kaha myaka yayindende hanyima omwo vyeseke navikeza, kaha liuka lyanyikishile, nge omu chili chachashi nachikungulwilo cha vathu kulinga omwo chumachimwe kuhona kaha kusoloka mujila ize chatela kupwa. Kalunga kuchilingisa mujila kana. Kalunga kuneha mazavu muliuka, “Kala mwana walunga uze mweza kuli Kalunga atela kweseke, na kwinjikiza, na kweseke.” Ikiye kwechela misongo kumikwata enu. Ikiye eji kwechela misongo kwiza hali ove, kweseke ove na kwinjikiza ove, kulwekesa kaye nge ove wapwa vene Mbuto ya Apalahama. Ikiye kwitavila ha punga Yenya Ivne. Ikiye kwitavila maukalu. Ikiye kwitavila masepa kufumbukila enu. Ikiye kwitavila vyuma vyosena, kaha kukasununa liyavolo, kumweseke. Kaha ikiye mwaya nakulinga vyosena oloze kumbata chiyyelo chenu. Ikiye nahase kumimbila hakahela kaluyando. Ikiye nahase kukasununa walihata nenyi hali ove. Ikiye nahase kukasununa liuka hali ove. Ikiye nahase kulinga chuma chimwe, kaha chinapu mwaya muchima wa Kalunga kuli ikiye kuchilinga. Etu vatunangula nge echi chili chamwaza kuhambakana ulu, kuli etu.

<sup>33</sup> Ngachilihi hali Apalahama na Yisaka, ha pili, lushiko lumwe vahanyine? Kaha hali mwakwononoka vene na kutachikiza, na lufwelelo lwenyi muli Yehova, kuhichila muli chize, kaha ukawenyi, nge Kalunga atalile hamavu kaha ngwenyi, “Mbuto Yenya nayikaheta vikolo. Ngunalishingi hali Yami lyavene nge Nanguya nakulinga vyuma kana.” Kakweshi numba umwe wamunene Ikiye nahase kulishingilaho, oloze Ikiye alishingile hali Lyavene.

Jino, kachi Ikiye echele Apalahama kumweseke nakuheta haseteko kana, Ikiye atela kukweseke ove na yami kuheta nahaseteko kana, uze lwola lwa kusakula omwo vyuma vyosena navifuma muli ove. Ove watela kwimana uka wove kuze. Haleluya! Mukiko kaha.

<sup>34</sup> Kwimana uka wove. Tambuka nakwiza nakuhanjika, “Chipwe Ikiye mwangujiha, oloze Nangumu fwelela Ikiye.” Ize ikiko Mbuto ya Apalahama. Uze ikiye Umwe eji kuhananga lushiko. “Chipwethuhu vosena navahanjika, vosena veji kulinganga; mwomwo yami na zuvo yami, etu natuya nakuzachila Kalunga.” Ambile ngwenyi, “Kachi vosena navahanjika, ‘Kuli chumachimwe chakulinga. Eli linapu lizavu lya kuwahilila chikuma; hali yami kaha zuvo, etu natuya nakuzachila Kalunga.”

Kaha Ngwazanga kumbata Paulu hano vene, nakuhanjika, “Mujila ize vavuluka kupwa ‘uleya’ mukiko Ngweji kulifukulanga Kalunga kavakakuluka jetu.”

“Chipwe vakiko vanapu vakakutatwoka kwiza nakwingila muliuka, chipwe vakiko navapwa vakakwalumuna, kaha chipwe vakiko navapwa vamuyachi wa tupolofweto vakwonga

kaha vyuma vimwe kwiza nakwingila muliuka mukachi ka vathu, kaha mukakulihata nenyi na vyumavimwe; oloze hali yami na zuvo yami, etu natuya nakuzachila Mwata. Chipwethuhu vosena vechele kwiza, kaha chipwe liuka kupwa lituta, lyakuhandunuka; yami kaha zuvo yami, etu natuya nakuzachila Mwata. Chipwe kachi muthumwe vamulombelele kaha kayoyeleko; echi kacheshi nachuma chimweko na echiko; mwomwo yami na zuvo yami, etu tweji kuzachila Mwata.” Chize cheseko na vyeseke.

<sup>35</sup> Malunga kaveshi vakutachikiza lutwe na nyimako, oloze Kalunga napu. Muthu, kuhaka vishinganyeka vyove hali muthu, ikiye mwaya nakuluwanganyisa. Pamo keshi wakutelako, oloze ikiye mwaya nakulunga. Kalunga kwitavila ikiye kulinga chize Ikiye nahase kunyisa lufwelelo lwenu kufuma hali muthu. Lufwelelo lwetu kalwatwama muli mangana amuthu ko, oloze mu ngolo ja kusanguka cha Yesu Kulishitu. Muze mukiko Mbuto ya muchano ya Apalahama jishiko javo josena. Mwomwo, vakiko vanahase kaha kupwa Mbuto ya Apalahama omwo vakiko vanatambula Shipilitu Wajila. Chakuzeneka Shipilitu Wajila vakiko kavapwile Mbuto ya Apalahama ko. Luze lufwelelo lwolumwe luze lwapwilenga muli Apalahama kwiza muli mukakufwelela. Chipwethuhu chumamuka chasolokele mokomoko chalimbalakile, mukakufwelela kutambuka nakuya.

<sup>36</sup> Vaze vandoji kukinduluka kaha vambile ngwavo, “Mamalelo, unapu—unapu uleya kweseka. Kakweshi nakutondeka chekako, mwomwo ava vathu vali vakutaluka kuze. Kaha vakiko vapwile nafulumende yayinene, kaha vakiko—vakiko kupwa namakunga, kaha, mwomwo, etu twasolokele nge tuvambimba kumeso avo.”

<sup>37</sup> Ngunahono kutachikiza, oloze Ngunakunyuka nakufwelela hano nge Yoshiwa apwile kaha wamundende, kupwa kaha wamundende, wamundende chikuma. Ngunahase kumona ikiye kutumbuka helu, ha—ha kupwa kaha nge chimboshi, kaha ngwenyi, “Malunga na vandumbwetu,” kuli vathu tu miliyo, “etu tunahambakana kuhasa vakiko.” Talenu? Mwomwoika? Kwapwilenga Mbuto ya Apalahama. Kalunga ahanyine lushiko. Chize chapwile luheto lwavo. Kalunga ahanyine lushiko. Kanda kulizakamina kufumbukila muka, Mbuto yamuchano ya Apalahama ambile ngwenyi, “Etu tunahase kupwa nalyo mwomwo Kalunga atuhanyinelyo.”

<sup>38</sup> Enu munemana chimene chino. Enu munemana Liuka lya Kalunga wakuyoya. Kangwalizakaminako kala mwosena muthuumwe kuhanjika, chumamuka ndotolo kuhanjika, chumamuka kalachuma, chumamuka mukakuzeneka kufwela kuhanjika, etu twahase kuhambakana kalachuma chize nachiza. Etu twapwa Mbuto ya Apalahama, kaha etu natuya nakuheta chikolo cha mukakole wetu, chipwethuhu chumamuka

mukakole mwakaya. Kalunga ahanyine lushiko. Chize chapwile chavo, luheto lwavo.

<sup>39</sup> Kuka chinapu luheto lwove. Ulwilo lunapu luheto lwove. Elu Shipilitu Wajila chinapu luheto lwove. Kaha kuli wamunene, masauzande vakakunangula na vyangochi mulifuchi lelo, nge kuhanjika, “Echi kacheshi ngochoko.” Oloze Mbuto ya Apalahama yatachikiza ngocho. Vakiko kutambuka nakwingila na kuheta vikolo vya mukakole. Kalunga ngwenyi vakiko navakapwa. Vakiko vafwelela echi mwomwo lunapu lushiko. “Mbuto Yenye nayika nakuheta chikolo cha mukakole.” Jino enu namuya nakuhita mu cheseko, vyeseke.

<sup>40</sup> Kaha Yoshiwa emanyine haze, wakushishika. Uze mukweze wamundende ambile ngwenyi, “Kangwalizakamina numba vakiko vavanene vali. Kangwazalikamonako muyachi uka wa likunga vakiko vakwechi, kusuwa muka cha jimbango jambongi, kaha omu kutohwa chili. Lushiko lwetu luli, nge, ‘Chize chikolo nachiya nakuhetuwa kuli Mbuto ya vana va Kalunga,’ kaha etu natuya nakuvambata vakiko. Etu tunahambakana vakiko.” Mamalelo, ize ikiko Mbuto ya muchano.

<sup>41</sup> Lote uze asemukile, mbuto ya kumujimba, ambile ngwenyi, “Etu katweshi kuhasa kuchilingako. Kakweshi lwakweseka. Talenu, etu tunahambakana. Etu tunapu vakuhambakana; etu tuli vyuma vyosena.” Chipwethuhu, ikiye keshi. . . Vakiko vapwilenga nakutala hali. . . lize liso lya kumona. Kaha Yoshiwa apwile nakutala omwo ahanjikile Kalunga.

<sup>42</sup> Ize Mbuto ya Apalahama kaya nakutala kukala chuma cha chisemwa. Vakiko veji kutala kuchuma Mwata ahanjikile. Elu lukiko lushiko. Kachi Apalahama mwaya nakutala muchisemwa? Pwevo na myaka handulendi yakusemuka. . . Nayite, ikiye apwile. Kaha ikiye apwile na handulendi. Kaha ayoyele na ikiye kufuma haze ikiye apwile kanyike wapwevo wamundende, kaha ikiye apwile kanyike wamundende, kaha kakweshi mbuto. Ikiye katalile hali vize vyuma kana. Ikiye ngwenyi ikiye alavile vize vyuma nge omu vahonene, mwomwo ikiye atalile kaha kuli vize ahanjikile Kalunga. “Nanguya nakukukisula ove, Apalahama, kaha Nanguya nakukuhana mbuto na Sala.” Kaha ikiye achifwelelele. Ove kawatela kutala hakufumbukilako. Etu kutala kuchumamuka Kalunga ahanjikile. Kalunga ahanjikile echi, chikiko kaha.

<sup>43</sup> Shikaho jino omwo ikiye ejile nakushikumuka ku Yotane, omwo Yoshiwa vamulingishile kupwa mukulwane wa maswalale, kaha vakiko vejile nakushikumuka kusongo ya meya na kutala musali nakumona Yeliko. Oloze, mukachi kavo, omwo Yoshiwa apwile na maswalale jenyi vakulizanga, kuze kwapwilenga chikolo. Chize chikolo vachivulukile Yotane.

Oloze lushiko lwa Kalunga hakala chikolo. Chipwethuhu chumamuka chikolo omu chili, Kalunga kushika chenye

chamwaza. “Ikiye mwakaya nakupima vikolo vya mukakole.” Mukiko kaha.

Omwo ikiye ejile nakushikumuka ku Yotane kuze na chimene, pamo, Nguli nakuya nakufwelela nge liyavolo ali na mavwe kuholoka kwosena, meya andambo yamwaka kushikumuka, mawande osena kwingila mulivaji. Mamalelo, lwola lwakweseka! Oloze Yoshiwa ambile ngwenyi, “Pwenu vakulizanga, ove muya nakumona Upahu wa Kalunga.” Kaha vakiko valijilika vavene na kupwa vakulizanga, kuneha omwo vyuma vyosena vyasolokele kulimbalaka. Oloze ize yapwilenga Mbuto ya Apalahama, uze Kalunga alishingile, “Nanguya nakumuhana ikiye chikolo.” Ikiye ejile kuli Yotau, chize chapwile chikolo chenyi, kaha ikiye achihete.

<sup>44</sup> Chimene chimwe Ngwatela kwiza nakushikumuka ku chikolo chamakumishilo. Enu mwatela kwiza ku Yotane, oloze Mbuto ya Apalahama nayikaya nakuheta chikolo. Chipwethuhu chuma muka chili, ikiye mwaya nakuheta chikolo chamukakole.

<sup>45</sup> Vosena vaze malunga vavanene vapwile vindume. Vakiko vafwile mumukana. Oloze, makumishilo, likumbi limwe mu Mbatelema ya Yuleya, ize Mbuto ya Wangana ya kusemuka. Muze, vosena vakwavo vapwile mumuvwimbimbi. Ize Mbuto ya Wangana yasemene, keshi muthu ko. Oloze Ikiye asemukile kuli sanda, na Ngolo mumishisa Yenyi, kufungulula kufwa na hetese. Kalunga ashikile lushiko. Kala muthu keshi kuhasa kuchilingako. Oloze kachi Kalunga mwashika lushiko, Ikiye apwa Kalunga youmwe uze Ikiye apwilenga na minyutu yayindende shimbu kanda, na Apalahama, Yehova yile, Mwata mwaya nakuhana jila kumbata chikolo. Natuya ngachilihi nakuchilinga ngachilihi? Yoshiwa afwile. Mose afwile. Vosena vafwile. Oloze Kalunga ambile ngwenyi, “Ikiye mwakaya nakuheta chikolo cha mukakole.” Mwaya ngachilihi nakuheta kufwa? Ikiye akwechi jila mwakulingila vyuma. “Ikiye mwakaya nakuheta chikolo cha mukakole.”

<sup>46</sup> Ize Mbuto ya Wangana yasemukile. Ikiye apwile wakweseka mukala jila nge omu tuli. Nge omu ove vanahase kukweseka, shikaho mukiko apwile na Ikiye. Ou liyavolo washi mwaya nakumunungulula Ikiye, omwo Ikiye atambwile Shipilitu Wajila, kwingila mupambo mumakumbi fwote na maufuku, mangana vakamweseke. Kaha omwo Ikiye ejile... Kaha ha kufwa Chenyi, vakiko vamutwalile jimbambo kulivoko Lyenyi, kaha kumufwijila kumeso Eyi. Ikiye ayile nakuhita misongo yosena. Oloze omwo Ikiye apwilenga hano hamavu, Ikiye enjikijile nge Ikiye ahashile kukola misongo. Omu nayewenu ya Petulu avijile, ikiye akwachile kulivoko lyenyi kaha mashika amusele. Omwo wakalepa atambakanyine haze ha chikolo, “Wamupi! Wamupi! Kachi Ove muya, Ove unahase kungulingisa kanawa.”

<sup>47</sup> Ikiye ngwenyi, “Nanguya. Pwako ove wosena.” Ikiye afungulwile na kumbata chikolo cha mbumba. Ikiye ambachile chize chikolo chakufweta.

Ikiye atungile tengeso yosena eji kwononoka Ikiye. Ikiye apwilenga Mbuto ya Apalahama, ize Mbuto ya Wangana, uze Umwe lushiko vamuhanyine; kuli Ikiye, Apalahama na Mbuto yosena ize yamuvangijile ikiye, kukanduka ku Mbuto ya Wangana, kaha Mbuto yosena hanyima ya Ikiye. Lushiko lwa Kalunga lwa muchano. Ikiye afungulwile misongo.

Ikiye afungulwile na vyeseko. Omwo mukakole amufwijile kumeso Eyi, kumuveta kuchimbi Chényi, Ikiye alumukile kusali ikwavo. Omwo vakiko vavwunyine wevu kufmisa kumeso Eyi na kumufwijila Ikiye, Ikiye kakindulwishileko. Ikiye afungulwile chikolo cha vyeseko na kumbata echi.

<sup>48</sup> Kahajino enu ngwenu, “Matoto ami kaweshi kuhasa kwecha yami kuchilinga echi.” Enu, Mbuto ya Apalahama, eyo, mwane, Ikiye amifungulwile.

<sup>49</sup> Omwo Ikiye vamutenukilile, Ikiye kavatenukilileko. Omwo Ikiye vamusekelekele, Ikiye akwachile kuunda Chényi. Omwo Ikiye vamuvulukile kupwa liyavolo, Ikiye akwachile kuunda Chényi. Ikiye apwile na mulimo umwe, ukiko mulimo wa Ise, kaha Ikiye ayile nakulinga chize. Kahajino, makumishilo, vakiko Vamutwalile kukulusu. Kufwa chamuhumanganyine Ikiye. Vosena vakwavo vafungulwile tulungalwiji, kaha vakiko vafungulwile chisemwa, kaha vakiko vafungulwile vandumba, kaha vakiko vafungulwile kahahya. Vakiko vafungulwile vyuma vyosena kuhonako kufwa. Oloze hano hapwilenga Umwe avetele mu wongo Wenyi, mumishisa Yenyi, kaha apwilenga nakufungulula Ngolo ja kufwa. Shikaho vakiko vambachile mavoko Eyi na Kumutanduula kaha Kumupaplila na jimbambo kuze kukulusu. Vakiko Vamuvetele kaha vakiko Vamuzulile palanga Vifuwa Vyenyi vyakakachilile hali Ikiye. Oloze omwo vakiko valingile, kaha vakiko valingile vyosena vize vakiko vahashile kulinga, kufwa chamuvetele Ikiye, ngwenyi, “Jino Nanguya nakukumbata Ove nge Ngwalingile na Yoshiwa. Nanguya nakukumbata Ove nge muze Ngwalingile na Ndanye. Kaha Nanguya nakulinga vyosena evi, mwomwo Nanguya nakukulingisa Ove kufwa.”

<sup>50</sup> Kaha Ikiye afwile palanga namusana kwivwa sonyi uvene. Ikiye afwile palanga tengeso kwivwa sonyi kaha yahonene na kuzata. Uze musana washikumukile mukachi ka likumbi. Vaze vatanganyika vahonene nakulovoka. Ikiye afwile palanga vyuma vyosena kupwa pwi kuhasa numba kumona livoko lyove nduma, mukachi ka lize likumbi. Shinganyekenu tengeso kuhanjika, “Echa ngufwenga na Ikiye hamwe.”

<sup>51</sup> Ndumbu walunga! Kahajino liyavolo atumine Mwono Wenyi wamwaza muwina wakuzeneka kukuma. Muze vikolo

kusokoloka, oloze Ikiye alovokelemo ha likumbi lya muchitatu, afungulwile chize. Amena. “Mbuto Yenyi nayikaheta chikolo cha mukakole.” Afungulwile kufwa! Ikiye afungulwile hetese. Ha chimene cha Paseka chatete, Ikiye afungulwile chimbumbi. Jino etu tunemana, kuhambakana vakakufungulula, kuhichila muli Ikiye Uze atuzanga etu.

<sup>52</sup> Ha Likumbi lya Pendekosita Ikiye atumine Shipilitu Wajila, ha kutwalilaho, kuhichila mu Vakamafuchi eka na eka, nakumbata Mbuto ya lushiko. Kuhana kuli Vakamafuchi eka na eka, vakutapula, nakuvahana lujimiko lwa Shipilitu Wajila, nakuvaneha mu Lushiko. Jino etu tukwechi lisesa lya kufungulula misongo yosena. Etu katwatela nakufungululako; echi vanachifungulula lyehi. Etu twatela kaha kukala lushiko na kuya nakutambula. Vanachifungulula lyehi. Kufwa vanachifungulula. Hetese vanayifungulula. Misongo vanayifungulula. Kweseka vanachifungulula. Maliyovolo vosena vanavafungulula. Hetese vanayifungulula. Kufwa vanachifungulula. Chize chimbumbi vanachifungulula. Etu tunemana muchikolo, kutambula, kawatela kwasa utako. Vanachifwetela lyehi.

<sup>53</sup> Mukakole wenyi, Ikiye mwakaya nakuheta chikolo cha mukakole. Vangahi? Masauzande a jimiliyoni. Ikiye mwakaya nakuheta chikolo cha mukakole, kala mukakole. Ikiye asangukile kufuma mukufwa. Etu twatela kuheta echi mwomwo Ikiye ahanyine echi kuli etu. Ou unapu wana wakanyombo kaha, kusali yosena yaize, kaha vyuma vyosena vize Ikiye nalingi, kaha afungulwile kala chikolo. Ikiye afungulwile misongo, ambachile chikolo. Chuma kaha etu twatela kulinga shina kutambuka nakuya kuchikolo, kuhanjika, “Mu Lijina lya Yesu Kulishitu, uze Mukakufungulula!” Amena.

<sup>54</sup> Omwo lwola nalwiza lwakufwa, kaha kufwa chahanjikile ngwacho, “Ngutale mulingise kumbata cheka kulifukula chenyi.”

<sup>55</sup> “Mu Lijina lya Yesu Kulishitu waku Nazaleta, kinduluka, Yotane!” Eyi Mbuto ya Apalahama kuheta chikolo.

<sup>56</sup> Mwomwoika, Paulu ngwenyi, omwo vakiko vapwilenga nakutala mutwe wenyi kumufumisangana, Mbuto ya Apalahama, ikiye ngwayo, “Kufwa, mumunyi wove ulihi? Chimbumbi, kuhasa chove chili kulihi? Kusakwilila kuli Kalunga Ou eji kutuhananga kuhasa kuhichila muli Yesu Kulishitu.”

<sup>57</sup> Ikiye mwakaya nakuheta chikolo cha mukakole, kumbata. Jino, ikiye kavamujihilile muchikoloko. Ikiye mwaya nakufungulula na kumbata echi. Ikiye mwaya nakuheta echi. Echi chili mu Ngolo jenyi ivene.

<sup>58</sup> Mu Liuka lya Kalunga wakuyoya, chimene chino, kupwa Ngolo jakuhindula misongo yosena. Mu Liuka lya

Kalunga wakuyoya kupwa Ngolo jakuhasa vyeseke vyosena. Mukuhetuwa cha Liuka lya Kalunga wakuyoya, chino chimene, muli Ngolo ja kukasa shili na kuyimbila kweka, na kutambula lujimiko lwa Shipilitu Wajila, mu Liuka lya Yesu Kulishitu.

“Kalachuma chosena ove unafwila, nakulomba mu Lijina Lyami, kaha navakamihana. Chindende kaha, kaha kaye (keshi Mbuto, ize yakuzeneka kusemuka chachihya) kaveshi Kungumona chekako. Oloze enu namuya nakungumona Yami, mwomwo Nangukapwa na enu, na muli enu, nakusongo ya kaye.” Ika? Eyi Mbuto ya Wangana. “Eyi milimo Nguli nakulinga, namukayilinga nayenu nawa. Nanguya na kwitavila Amilyavene nge Nguli na yenu, mwomwo evi vinjikizo navikakavangiza vaze vanafwelela.”

Ikiye mwakaya nakuheta mbuto yamukakole. Ikiye mwakaya nakuheta. Mbuto Yenyi nayikaya nakuheta chikolo cha mukakole, chipwethuhu chikolo muka. Kachi chili chamisongo, vyeseke, shili, kala chikolo, vanachifungulula. Kaha Mbuto ya Apalahama nayikaya kuheta chize.

<sup>59</sup> Ove kaweshi wakuwahililako, chimene chino, kutachikiza nge etu tunemana jino kuhambakana mukakufungula, kuhambakana mukakufungulula? Mamalelo, kakweshi chuma chakuzunga hali echiko. Kuzunga chakumu. Kapyololo vanakembi lyehi. Ize ndembele yinakatuka. Kaha mukachi ka kala mukuta w shili, mukachi kakala kapete kamisongo, muli kulusu yakutanyuka yamwaka, yatumba na Manyinga a Yesu Kulishitu, Uze Mukakufungulula. Chuma kaha etu twafwelela shina, tala na kuyoya.

“Nanguya nakupwa naenu. Nanguya nakwinjikiza. Vathu kwiza mumakumbi akumakumishilo, kaha kuhanjika, ‘Mamalelo, chamwaza, muze mukiko *chapwile*.’ Oloze Nanguya nakupwa na enu. Kaha chuma chivene Ngwalingile, hano hamavu, Nanguya nakupwa muli enu, kulinga chuma chochimwe. Kahajino vakiko navaya nakutachikiza. Vakiko navakaya nakumona Yami. Vaze...Vathu jami navakaya nakumona Yami. Ize Mbuto ya Apalahama navakaya nakungumona Yami. Vakiko navakaya Nakungutachikiza. Vakiko navaya Nakungukutachikiza. Veka navakaya Nakunguvuluka, ‘Mbelezembule,’ nge omu vakiko vanalingi. Oloze enu namukaya nakutachikiza Yami, mwomwo Nanguya nakupwa na enu. Enu namuya nakumona Yami, kumona na liso lyove. Enu namuya Nakungumona, mwomwo Nanguya nakupwa na enu, na kumakumishilo akaye, vyuma vyovimwe vize Ngulinakulinga. Wosena mwafwelela hali Yami, milimo eyi Ngulinakulinga naikiye nawa mwakayilinganga, muyachi wamulimo woumwe.”

<sup>60</sup> Kaha, lelo, eli Liuka lya Kalunga wakuyoya lili na lisesa lya kwimana na kumona kufungulula, wakusanguka Yesu Kulishitu,

uze Mwana Kalunga wakuyoya, kwimana, kuyoya mu Liuka Lyenyi, kulinga chuma chochimwe Ikiye alingile jino. Kahajino etu twaheta chikolo cha kala mukakole.

<sup>61</sup> Kachi ove uli na mukakole chimene chino, kahajino, ndumbwami walunga, kuli kaha...Kachi ove uli Mbuto ya Apalahama, hanyima ya kwivwulila echi, kakweshi valiyavolo vakutamo muhetese vanahase kwimika chize chikolo kumeso oveko. Echi nachiya nakusokoloka. Kangwalizakaminako chuma muka echi. Enu kutambuka nakuya kuze, nge Mbuto ya lushiko, kuhanjika, “Ngulinakuvuluka hali vami. Ava vanapu vami, mwomwo Kalunga alishingile nge Ikiye mwaya nakusangula Yesu, kaha, kuhichila muli Yesu, Nanguya nakufungulula. Nguneza mu Lijina lya uze Mukakufungulula, Yesu Kulishitu. Tambo kukinduluka. Nguli nakuhita.” Amena. “Ikiye mwakaya nakuheta chikolo cha mukakole.” Kahajino imana haze, na wifwiji vyenu kukinduluka kunyima na lukepwe lwa kumunyika, lwakufwika na Manyinga a Mwata Yesu. Uze mukakole mwaya nakutachikiza echi.

<sup>62</sup> Kachi ove uli nakutondewa, kuhanjika kuli Ikiye jino shimbu etu natulomba, ove muno, chimene chino, shimbu ove uli na mitwe yenu yakunongama. Kaha kachi ove uli nakutondewa, nauya kaha nakatula livoko lyove kuli Yesu? Kaha hanjika kaha mukachi ka muchima wove, mumuchima wove, na kuhanjika, “Mwata, Ove unatachikiza kutonda chami. Jino, Ngunevunga, chimene chino, kaha eyi ikiko Mbimbiliya, ‘Ikiye mwakaya naku kuheta chize chikolo cha mukakole.’ Nguli nakwiza nakuheta chikolo. Pamo Nguli na matoto. Pamo Ngunatondo Shipilitu Wajila. Shili yinangukase yami. Ngunatondewa. Oloze Nguli nakwiza kuchikolo jino. Nanguya nakumbata echi, chimene chino, chikolo chami. Shikaho, fuma mujila, Nguli nakwiza nakuhita.”

<sup>63</sup> Mwata Wakukisula, Ove unamono mavoko awa mavoko osena. Kaha Ove unatachikiza nge eli linapu Lizu Lyove, Mwata. Ngunatange Echi, kaha kuneha kuhichila mu Visoneka. Vakakuzata vamu Mbimbiliya, omu vahashile mawangana na kuneha kwoloka, kaha kujima kakahya, utenu wakakahya, na kuchina poko yamukwale, kaha kusoka tunwa tva vandumba, kaha, mamalelo, shikaho, mapwevo vatambwile vafu jawo kupwa vakukuyoya, na vyuma vyavivulu, mwomwo Ove washikile echi. Elu lunapu lushiko Lwove, “Mbuto Yenyi.” “Mbuto Yove, Apalahama, mwakaya naku kuheta chize chikolo cha mukakole.” Kaha Ove weji kulama lushiko Lwove.

<sup>64</sup> Jino kuvahana vakiko, Mwata, kufwila cha michima yavo. Echa vakiko vayenga nakufuma hano muthu weka. Echa vakiko kuya, kutachikiza nge vakiko vapwa—vakiko vapwa vakakufungulula, mwomwo ize Mbuto ya Wangana ya kufungulula. Uze Mwangana wa Wangana, omwo Ikiye ejile, wakusemuka kuli mujike, Ikiye afungulwile kala mukakole, na



kufwa. Shikaho kufwa chivene kacheshi kuhasa kukavevwisa Mbuto ya Apalahama womako. Etu tuli na lushiko nge etu natuya nakuswana mavu, kaha navakakinduluka cheka mujila ya upahu, mukutohwesa chamujimba, hanyima yauze mukakole wamakumishilo vanamuhake kwishi yamahinji, auze mwana umwe kaha wamakumishilo wa Kalunga uze mwakaya nakwiza nakwingila Muwangana.

<sup>65</sup> Kachi kuli vaze vali na mavoko avo, Mwata, vaze vakashili, veji kuvalwila vakiko. Vaze vali nakukinduluka kunyima, echa vatachikize nge kavatela lika kupwa vakakukindulukako. Ikiye nahase kuheta chize chikolo chakulimbuka. Pamo uze umwe mukamatoto, uze—uze mukalilimi lyalipi, lilimi lya majilo, mokomoko muchima walwiso, mokomoko umwe mukalifwa, ha mali, mokomoko—mokokoko chuma chamajilo, echa vakiko vatachikize nge vakiko vanahase kuheta chize chikolo. Pamo chinapu chamisongo, Mwata, kuyanda. Vakiko vanahase kuheta chize chikolo, “Mwomwo Ikiye vamulemekele hakuzombojoka chetu jishimbi, muchikile ha upapwoke wetu. Kuzangamisa chakutunehala kuunda chapwile hali Ikiye, kaha ha mikiki Jenyi etu twahinduka.” Etu tuvakakufungulula, chimene chino. Tuhanecho echi, Mwata.

Kaha kusali yavyosena evi, nge milimo yayinene ize yapwilenga Ikiye, oloze Ikiye ali nayetu. Oloze, Ikiye ashikile Ikiye kuchilinga. “Shimbu yayindende kaha kaye kakeshi Kungumonako chekako, oloze enu namuya Nakungumona; mwomwo Nanguya nakupwa na enu, namuli enu, nakumakumishilo achino chisemunuino.” Ngwalombo, Tata, nge Ove uyenga na kulilingisa Ove lyavene kumutachikiza kuli wosena na wosena, chimene chino. Mwomwo etu twalombo echi mu Lijina lya Yesu. Amena.

<sup>66</sup> Enu mwafwelela echi kupwa Muchano? Chamwenemwene fwelela echi kupwa Muchano, keshi umwe wakukakasana mu muchima wove. Jino anuka echi kaha. Kuzata cha Shipilitu Wajila chinapu chachashi cheji kumbalanganyisa vishinganyeka vya vakakutanga. Chuma chachashi chize Ngwa... Ngwamono Shipilitu Wajila kulinga. Nanguhanjika vyuma kana, mwomwoika, Ngunahono kushinganyeka hali echi kupwa mujila kana. Kachi Nanguzachisa vishinganyeka vyami, Nangwamba ngwami, “Chamwaza, chize kacheshi kuhasa kupwa chakwolokako.” Oloze chili lwola lwosena chakwoloka. Ikiye eji kulinga vyuma vyawashi. Kaha Ikiye eji kulinga vyuma vimwe kulilingisa Lyavene kumutachikiza kuli vathu Jenyi. Kalunga ali na vathu Jenyi. Ikiye ali mukachi ka vathu Jenyi. Ikiye eji kuvazanga vakiko. Kaha Ikiye atondele kuvalingila vakiko, kaha kuvakafwa vakiko; kaha kuvalingisa vakiko kutachikiza, keshi chuma muka Ikiye *mwaya* nakulingako, oloze *chuma* Ikiye nalingi. Ikiye nalingi lyehi echi. Chinapu chove. Chinapu chove kuli ove. Unapu wana wakufuma kuli

Kalunga Tata yetu, ku Liuka Lyenyi.

<sup>67</sup> Jino omu vishinganyeka vya kutanga naviya nakupwa vyakwalumuka, nge mumakumbi a Ndanyele, kaha nge mumakumbi avaze vana va Hepelewu, kaha—kaha vavavulu vaze etu twahanjikangaho na chimene. Talenu, akakaye kakanene kavakakutanga muli lize likumbi chapwile kaha chachikalu kufungulula nge omu chili nalelo. Echi chili lwola lwosena chinapunga mukakole, mujila yavo ya kumona, kaha kutona cha sayasi na vyuma, vyapwile vene vyuma vyakulikasa, kuvishinganyeka jino, nge omu anapu nayetu lelo. Talenu, echi chapwile chuma chochimwe. Oloze kuze kwapwile vaze, lwola lwosena, uze atelenga kutwama kuze na kuhanjika, “Kalunga ali wakwoloka. Lizu lya Kalunga linapu muchano.”

<sup>68</sup> Kaha, enu, kamwatela kupwa kufungululako, mwomwo Ikiye afungulwile. Chuma chimwe kaha ove watela kulinga shina kuya kaha nakumbata, kwimana kuchikolo, kuhanjika, “Linapu lyami. Eli linapu lyami. Kalunga anguhanyinecho yami, ulwilo wami. Kachi Ngwatondo Shipilitu Wajila, Kalunga amuhanyine Echi kuli yami. Lushiko luli kuli yami, kuli vana vetu, vali kwakusuku, vavavulu vaze Mwata mwakaya nakusanyika.” Ou ukiko mulonga Ngunemanyina hano. Pwako kaha . . .

<sup>69</sup> Mulimo wami, wa kutumbununa na vyangocho, nachiya vene jino. Mamalelo, nachiya lwola lwosena nakupwa kuze. Oloze nachiya nakukumisa echi, mwomwo nachiya nakupwa chuma chachinene. Talenu? Echi chili nakuya kwilu; kufuma hakukwata cha livoko, mbwe nakukutumbununa, kaha jino ikiye ali nakulizanga kupwa numukwavo. Talenu? Talenu echi. Tala echi na kutachikiza nge unapu muchano. Talenu? Ngunatachikiza nge unapu Muchano. Kaha nachiya nakupwa chachinene, chahelu, chamwaza. Punduvene. Mwomwoika, Ikiye ashikile echi. Kaha chuma Ikiye ashikile, Ikiye eji kulinga. Ikiye keshi kuhasa kuhonako lushiko Lwenyi. Kaha chuma muka echi? Kupwa Chenyi wakuyoya na etu, kwecha echi, echa enu kutachikiza nge Ikiye akwechi chikolo hali enu.

<sup>70</sup> Ikiye apwilenga Mbuto ya Wangana. Naumwe pimbi ahashile kumbata vize vikolo oloze Ikiye. Vosena vaze kunyima kuze kwapwile muvimbimbi wa kwiza Chenyi. Oloze omwo Ikiye ejile, chakumishile chize kuzunga. Chize kuzunga chakumine muze mu Ngetesemane naha Kavali. Kaha jino etu natwimana, nge vakakufungulula. Kakweshi kuzungangako. Etu . . . Chize kuzunga chahita lyehi. Etu twachiheta kaha, tukwechi mukanda wacho. Mukanda wakusoneka kuli Kalunga, Tata yetu, Uze azundwile livoko Lyenyi, ngwenyi, “Nanguya nakulishinga ami Lyavene eyi Mbuto yenyi nayika nakuheta chikolo cha mukakole.” Haze vene. Echi chineza lyehi. “Ikiye apwile wakulemeka hakuzombojoka chetu jishimbi. Ha mikiki Yenye etu twahinduka.” Echi chinalingika lyehi. Unapu mulimo unakumu. Etu twatela kuchiheta. “Kaha eyi milimo eyi Ngweji

kuzatanga, namukayilinga nayenu nawa.” Uze Mwangana ali nayetu, chimene chino. Kukisula Chenyi chachinene, ou Shipilitu Wajila, kutambuka hali etu. Kwivwa nge upahu wamwaza, kutachikiza nge chili vene na . . . mumukana na Lizu lya Kalunga. Echi chili nakuhana kuvendejeka chamwaza, kutachikiza nge—nge Kalunga napu Setu.

<sup>71</sup> Jino, Ngwafwelela, ikiye—ikiye ahanyine makati akulombelela chimene chino? Ngwamulwekele ikiye, eyo, kachi kakwapwilenga cheka kuhambakana mbalaka ya vathu ko, chamwaza, keshi kuhana makati akulombelelako. Oloze kachi kuze—kuze kwapwile vavavulu nge vathu likumi, likumi nayitanu, mokomoko chumachimwe, vaze vangeji muze mivikolo, mwomwoika, kuhana makati akulombelela, shikaho etu tunahase kuvaneha hamwe na kuvalombelela. Vangahi vali ngeji na chimene chino? Zundula livoko lyove. Mamaah, yami! Punduvene. Kuli fifiteni mokomoko twende hali vaze. Chosena chakwoloka. Etu natuya nakukumisa awa makati akulombelela na kuwaneha akiko kwiza kukamenga. Talenu, mulonga Ngwambile ngwami ha “mbalaka” vathu, vakiko vali hano.

<sup>72</sup> Echi kutumbununa. Anukenu, Ngulinakuhanjika echi. Kutumbununa nachiya nakukuma. Kuli nakuya nakupwa chumachimwe chachinene chikuma na vyangocho, muzevene mujila. Kuze kwapwilenga, ize Ngunatachikiza, talenu enu kutala hali vandumbu vamaunga vavali jino, uze apwanga wakwimana hamwe na yami zau, omwo chize chasolokele, talenu, kaha likumbi shimbu kanda, omwo chasolokele. Kaha chize chinapu kapapa katatu mu mumukana, jino, chasolokele, kwinjikiza nge chili chakwoloka jino hanovene, talenu, chili nakusoloka.

<sup>73</sup> Jino, Mwata, Ove u Kalunga, kaha etu twapwa vangamba Jove. Etu twasakwilila Ove ha Lizu Lyove, mwomwo Shipilitu Wajila, Ou nakisula michima yetu. Kaha jino etu twawahilila. Etu tunatwame hano, kutachikiza nge etu tuvakakufungulula. Etu twaheta lyehi vikolo vya mukakole. Echi vanatuhane etu, kaha etu kupwa na sapi yakusokolola mwosena mulivoko lyetu. Eli Lijina lya Yesu Kulishitu kalyeshi kupwa- . . . kusokolola chikolo chosena cha mukakole. Mbatenu eyi sapi, sapi ya Mulijina lya Yesu, kaha na- . . . kusokolola kala chikolo cha mukakole chize ove kukashiwa kufuma mukala lushiko.

Kaha, Kalunga, chimene chino etu natwiza Lijina lya Yesu, na eyi sapi, nakusokolola vikolo ja vaka kuviza na kuyanjiwisa. Mwomwo vasoneka ngwavo—mu Lizu Lyenyi, “Mu Lijina Lyami navakatapula va ndemone. Vakiko navakahanjika malimi amahya. Kaha kachi vakiko navakwata manoka, mokomoko kunwa kala chuma chakufwa, kacheshi kuvakolesako. Vakiko navakahaka mavoko avo hali vakakuviza kaha navakayoya.” Etu tunatachikiza vize vyuma vili vya muchano. Kaha tuhane,

chimene chino, Mwata, nge vakiko navaya, vathu vahase kumona chize, kuhichila mukusoloka cha Lizu alilingishile kupwa musonyi na kutwama mukachi ketu, nge, “Ikiye vamulemekele hakuzombojoka chetu jishimbi; ha mikiki Yenyi etu twahinduka.” Kaha echa vakiko vatambule chize na kuhinduka, chimene chino, kufuma mumisongo na misongo yavo na maukalu na maukalu. Etu twalombo echi mu Lijina lya Yesu. Amena.

<sup>74</sup> Munahase kwimba, Teddy, *Fwelela Kaha*, mukuhola kaha chindende, kachi ove muya.

Kaha ika? Ove unaputuka kufuma muli umwe? Nambala wani, kati yakulombela. Wani, tu, seli, fwo, faifi, sikisi, seveni, eyiti, naini, teni, mokomoko kala chuma chiliko. Chosena chakwoloka. Munahase mukuhola kaha, kachi ove unahase, kwiza kuze kusali eyi.

[Ndumbu walunga umwe ngwenyi, “Vangahi mweji kuvulukanga?”—Muka.] Huu? [Muthuumwe ngwenyi, “Mukiko kaha. Mukiko kaha.”] Pamo . . .

Echa tumone, nambala wani, nambala tu. Hiya ali na kati wani? [Ndumbu walunga umwe ngwenyi, “Ngukwechi.”—Muka.] Yaah. Nambala tu. Chosena chakwoloka, mwane. Nambala seli, nambala fwo, nambala faifi, nambala sikisi, nambala seveni, nambala eyiti, nambala naine, nambala teni.

<sup>75</sup> Shimbu vakiko valinakulinga mujila yavo kaha kuhanjika vihela chavo cha kwimana, Ngunatondo kuhula chihula chimwe kuli enu vosena. Vangahi, kuliko mbalaka muno, vali nakuviza? Mbalaka ya vathu, zundula livoko lyove. Pamo faifi . . . fwo, faifi, sikisi, seveni, eyiti. Eyiti mokomoko mavoko naine. Kuliko umwe muno mu mbalaka, uze keshi hanoko ha mbalaka, vakiko vali vangeji na etu, chipwe ove unahase kwiza hanyima ya kutanga kaha kahashile kupwa na kati yakulombela? Unahase kuzundula livoko lyove? Kalamuthu natondo Kalunga, chize kacheshi . . . vaze—vaze kaveza kuli yino mbalaka. Kalamuthu hano uze keshi membala wayino mbalaka, kaha—kaha oloze unapu wakuviza kaha kaweshi na kati yakulombelako, ove unatondo vakwanukeko mukulomba? Unahase kuzundula livoko lyove, kala muthu? Chosena chakwoloka. Echi chamwaza. Chosena chakwoloka.

<sup>76</sup> Jino Nguli nakuya nakulomba kachi enu namupwa kaha vakulilemesa nge munahase, kupwa kaha—kupwa kaha na minyutu yayindende, kaha jino etu natuya nakuputuka haze vene na kuputuka. Jino echa tualenu. Vangahi enu namuseze kuze, Billy? Chosena chakwoloka. Echi chinapu nambala teni kwiza kuno? Vangusanyikile umwe kupwa teni.

Leveni, twolufu, seteni, fwoteni, fifiteni, echa vakiko vanemana jino. Kachi vakiko vali nambala teni, leveni, twolufu, seteni, fwoteni, fifiteni, imanenu. Chosena chakwoloka. Wani,

tu, seli, fwo, faifi, sikisi, seveni, eyiti, naine, teni, leveni, twolufu. Vakakulimbata vavali cheka, kufuma muku fifitini. (...?... seveni, eyiti, naine, teni, leveni.) Fifiteni, sikisiteni, seveteni, eyiteni, naiteni, twende.

<sup>77</sup> Mamalelo, vandamina munyutu kaha. Ngwa—Ngwamulwekele kuhana makati akulombelela kuli vathu vaze kavapwile na mbalaka ko. Echi chakwoloka. Talenu? Mwomwo, nachiya nakupwa, talenu, kutumbununa. Vathu ngwavo, “Ava vathu veji kwizanga ku mbalaka.” Talenu? Ngwa—Nangumilweka. Vangahi vanapunga hano...kanda lyehi vanapunga hano? Echa tumone livoko lyove, naumwe pimbi napunga mukuwana chami kumeso ami. Chosena chakwoloka. Chosena chakwoloka.

Jino, chosena chakwoloka, chindende kaha jino, Ndumbu walunga Teddy.

<sup>78</sup> Jino Ngunahase kuhanjika echi, nge, enu vosena mwevwa lyehi kuliwana kana, omwo echi nachiya, chipwethuhu, enu kupwa, vathu vosena kupwa mukuliwana? Talenu? Omwo Mwata wetu Yesu apwile hano hamavu, Ikiye kavulukile kupwa mukakukako. Ikiye apwilenga Mbuto ya Apalahama, punduvene, kaha Ikiye apwilenga na lushiko na Ikiye. Ikiye ambile ngwenyi Ikiye kalinga chumako palanga Tata alisolwele Ikiye. Echi chakwoloka? Kaha Ikiye ambile ngwenyi, “Kangweshi kulinga chumako palanga Tata nangusolwelacho yami chumamuka.” Kaha Ikiye amwene chize ha...Keshi “palanga Tata *mwangulweka* Yami.” “Palanga Tata *nangusolwelacho* Yami.” Mukakujila Yowano 5:19, “Chuma Nguli nakumona Tata kulinga, chikiko cheji kulinganga Mwana nawa.”

<sup>79</sup> Jino omwo Ikiye—Ikiye ejile, etu tunawane, mu kuputuka cha mulimo Wenyi, nge hanyima Ikiye apwile nakumbata—chitwamo cha Ndavichi...[Hatepu hapimbi—Muka.] Mushipilitu kuhanjika, va... .

Omwo Shipilitu Wajila ejile hali Ikiye ha lujimiko, lwa Yowano, kaha Ikiye ejile nakupwa Meshiya wakuwavisa. Jino, anuka, Ikiye apwilenga Mwana Kalunga omwo Ikiye asemukile. Ikiye apwilenga Mwana Kalunga wakusemuka kuli Mwana walunga. Oloze omwo Ikiye ejile nakupwa Meshiya, kuze omwo Shipilitu Wajila ejile hali Ikiye, mwomwo *Meshiya* kulumbununa “umwe wakuwavisa.” Talenu? Kaha Ikiye apwile Umwe wakuwavisa omwo Shipilitu Wajila ejile hali Ikiye. Enu mwevwa lyehi yami kunangula hali *Uze mwana Mukoko Kaha Katela*. Kahajino etu tunawane, omwo Ikiye...Hanyima ya makumbi Eyi fwote ya kweseka, Ikiye ejile nakulovoka.

<sup>80</sup> Kaha omu alingile na kuputuka cha mulimo Wenyi, kaha omu akumishile? Etu tunawane ngana, mu mulimo Wenyi uze wapwile muthu wa lijina lya Andrew, uze ayile na

kuwana ndumbwenyi, Shimona, uze mukakuta ishi, kaha amunehele kuli Yesu. Kaha Yesu amulwekele, ngwenyi, “Lijina lyove linapu Shimona. Lijina lya iso likiko Yona. Kufuma hano vene ove nakakuvuluka kupwa *Petulu*, kulumbununa ‘lilolwa lyalindende.’” Enu anukenu echi? Kaha uze mukweze alikomokelele chuma Yesu amulwekele!

Jino, apwilenga Meshiya atelele kulinga ngachize? Vangahi vatachikiza echi, kuhanjika, “Amena.” Ikiye atelele kupwa Kalunga Kapolofweto. Eyo, mwane. Mose ngwenyi, “Ou Yehova Kalunga kenu mwakaya nakukatula Kapolofweto wakufwana nge yami. Nachikapwa nge uze mwakahona kwivwulila kuli uze Kapolofweto navakamuteteko kufuma muli vathu vakwavo.”

<sup>81</sup> Jino, kahajino omwo etu tunawane, hanyima yachize, Ikiye. . . “Ikiye kuvyuma vyenyi Ivene.” Hiya uze? Va Yuleya, ha tengeso. “Kaha shikaho Venyi Ivene Kavamutambwileko,” shikaho Ikiye apwilenga jino. . . Jino echi chatela kuya kuli va Kamafuchi eka na eka, talenu, mwomwo Venyi Ivene kavamutambwileko. “Oloze vavavulu vamutambwile Ikiye, kuli vakiko Ikiye avahanyine ngolo jakupwa vana va Kalunga.” Shikaho jino Ikiye alumukile kuli va Kamafuchi eka na eka, kaha napunga, ha myaka tu sauzande. Oloze jino talisenu vyuma vize Ikiye alingile.

<sup>82</sup> Kahajino Fwilipu, hanyima ikiye amwene echi kulingika, ikiye ayile na kuwana Nathanael, kaha amulwekele Nathanael uze ikiye awanyine kaha chumamuka Ikiye alingile. Kaha chize chamukomwesele ikiye. Ikiye kahashile kuchifwelelako. Oloze omwo ikiye ahetele Kumeso a Mwata Yesu, omwo ikiye vamuwanyine Ikiye apwile, kwiza Kumeso Eyi, Yesu ambile ngwenyi, “Tala ka Isalele muli ikiye kamweshi numba likuliko.”

<sup>83</sup> Jino, kachi ove unemanyina kuze, ove unashinganyeka nge unapunga mukashipilitu chikuma kupwa wakwivwushisa nge Ikiye apwile hiya? Ove washinganyeka nge watela kuchilinga? Jino tala. Talenu? Uze Muthu, kupwa kaha Ngeji, - . . kuze, Ikiye pamo napunga mukakuta ishi. Ikiye apwilenga mukakusonga, napu chuma Ikiye apwilenga. Uze Lunga mukakusonga nemana haze, vupu ya Lunga. Kaha ejile kuli ou lungu. Ikiye atalile hali ikiye, nge umwe hali ava malunga hano, ngwenyi, “Tala ka Isalele muli ikiye kamweshi numba likuliko.” Chamwaza, omu Ikiye atachikijile ikiye apwile ka Isalele? Keshi mujila ikiye avwalileko, mwomwo vakiko vosena vavwalile mwakulifwana. “Muli ikiye kamweshi numba likuliko.” Ikiye atachikijile ngachilihi nge Ikiye apwile—apwile lungu wakuzeneka likuli?

<sup>84</sup> Shikaho uze lungu chamukomwesele. Kupwa mukakufwelela wamwenemwene, ikiye ambile ngwenyi, “Lapi,” mokomoko ndumbu walunga, mukakunangula, mulongeshi, “Iwola muka Ove wangumwene?” Talenu, ikiye apwilenga nakuhulisa Ikiye.

<sup>85</sup> Ikiye ngwenyi, “Shimbu kanda Fwilipu akusanyike ove, muze wapwanga mwishi ya mutondo, Ngwakumonanga.”

Ikiye ambile ngwenyi, “Ove unapu Mwana Kalunga. Ove unapu Mwangana wa Isalele.”

<sup>86</sup> Yesu ngwenyi, “Mwomwo Ngwakulwekanga evi, jino enu mwafwelela Yami? Jino enu namuya nakumona vyuma vyavinene kuhambakana evi.”

<sup>87</sup> Kaha ou ukiko mulonga Ngwafwelela eli Liuka Iya Kalunga wakuyoya lili nakuya nakumona chuma chachinene kuhambakana echi. Chili nakuya nakulovoka nakwingila jino, kalinwaha, talenu, mwomwo vakiko vanafwelela. Vaze vanakane, mwomwo ya jijila ja vikungulwilo, Nangukakasana nge vakiko navaya nakufwelela kalachuma. Talenu? Vyuma . . . Ove muya chipwe nakutambuka mu Kumunyika mokomoko kupwa kapuputa. Kumunyika cheji kufwika meso, mokomoko kusolola jila.

<sup>88</sup> Tujila vavandende, Ngunawane, ha Chiumba cha Kukasunuka. Pwako wakukunyuka kuvamona, Ndumbu walunga Thoms, omwo ove muya nakukanduka, talenu. Vakiko veji kuveta mawongo avo, haze vene. Kaha Ngwambile ngwami, “Ukalu wapwile halihi?”

<sup>89</sup> Vambile ngwavo, “Kachi kukavangiza chize kumunyika, munyamanganda, kupwa mukukingiwa, vakiko kweseka kuveta chize kumunyika. Vakiko kulijiha vavene.”

<sup>90</sup> Chize chikiko chuma chasolokele nge ove muveta ha Kumunyika, ove mulijiha ove Iyavene, mushipilitu. Kutambuka kaha mu Kumunyika nge Ikiye ali muli Kumunyika, kahajino etu natuya nakupwa na kulikata chaumwe namukwavo, mauka osena nawakaya na kufwelela na kukisula cha Kalunga. Echi kacheshi kupwa chamwazako?

<sup>91</sup> Tala hali pwevo waka Samaliya omwo ikiye ejile. Ikiye apwile ka Samaliya, jino (keshi ka Yuleyako), ka Samaliya. Kaha Ikiye ngwenyi, “Ngunehele Yami meya ngunwenga.” Kaha kushimutwila chatwalileho.

Echi kupwa kuli ngeji jino.

<sup>92</sup> Kaha kushimutwila chatwalileho. Jino, ikiye katachikijileko Ikiye kupwa Meshiya. Ikiye apwilenga kaha—nge Muthu kaha, ka Yuleya. Talenu omu ikiye ahanjikile chatete? Ikiye ambile ngwenyi, “Mwomwoika, echi kacheshi chisemwa chetuko kuli enu va Yuleya kuhanjika kuli pwevo wakasamaliya ngachize.” Ikiye ambile ngwenyi, “Etu katwalivwasanako.”

<sup>93</sup> Ikiye ambile ngwenyi, “Oloze kachi ove watachikizanga Hiya ove uli nakuhanjika na ove, ove kachi unangulombo Yami meya akunwa. Kaha kachi Nangukunehela, kukuhana meya, ove kaweshi keza hano nakuswita chekako.”

<sup>94</sup> Mwomwoika, ikiye ambile ngwenyi, “Jino munyutu kaha.” Ikiye ambile ngwenyi, “Etu tweji kulifukula muli eyi pili, kaha—kaha enu va Yuleya kulifukula ku Yelusalema.”

<sup>95</sup> Yesu ambile ngwenyi, “Oloze ola ili nakwiza omwo—omwo enu kamweshi kalifukula ku Yelusalema mokomoko kuli eyi piliko, oloze mu Shipilitu. Mwomwo Kalunga apwa Shipilitu, kaha vakiko veji kulifukula kuli Ikiye atela kulifukula kuli Ikiye muli Shipilitu na Muchano.” Talenu? Chamwaza, Ikiye ayile, ambachile kushimutwila palanga Ikiye awanyine nge ukalu wenyi wapwile uka. Chumamuka, ove unatachikiza ukalu wenyi wapwile uka? Kalamuthu atachikiza ukalu wapwile uka na uze pwevo haze halishima? Ikiye apwile na malunga vavavulu, keshi ngochoko? Shikaho Ikiye ahanjikile kuli ikiye, “Yako kambate lunga lyove na kwiza hano.”

Ikiye ambile ngwenyi, “Kangweshi na lunga ko.”

<sup>96</sup> Ambile ngwenyi, “Echi chakwoloka. ove ukwechi faifi, kaha umwe ove uli nyeni jino nakuyoya keshi woveko.”

<sup>97</sup> Ikiye ambile ngwenyi, “Mwane!” Jino tala ikiye. “Mwane, Ngunamono ngana Ove wapwa uka Polofweto.”

Kachi enu namuya nakutanga chimwe kunyima, namuya nakuwana. “Mwane,” mu kuputuka, “Ove yove, Ngunashinganyeka, nge Ove wapwa uze Kapolofweto.” Anuka, mu Mbimbiliya, echi lama kuhanjika kana, “Uze Kapolofweto, napu Ove ‘uze Kapolofweto?’” Kapolofweto muka? Uze Umwe Mose ahanjikile mwakakatuka.

“Ngunamono ngana nge Ove wapwa uka Polofweto. Jino, etu vatunangula, kaha etu tunatachikiza omwo Meshiya mwakeza, Ikiye mwakaya nakulinga vyuma evi.” Chize chapwile chinjikizo cha Meshiya. Echi chakwoloka? Kutachikiza ukalu wenyi wapwile uka. Ngwenyi, “Etu tunatachikiza omwo Meshiya mwakeza, Ikiye mwakaya nakutulweka etu vyuma kana. Oloze Ove yove Hiya?”

Ikiye ambile ngwenyi, “Yami Vene, ali kuhanjika kuli ove.”

<sup>98</sup> Ikiye asele mulondo wenyi. Ikiye alahile nakwingila mumbongi, Ngwashinganyeka, kukwata muchima wenyi. Kaha kuhanjika, namaviko eyi mutulo yenyi kutumbuka, kuhanjika, “Twayenu, mutale ou Lunga Ou nangulweke vyuma Ngwalinga. Keshi ikiye Meshiya ko? Keshi uze Umwe uze Mbimbiliya yahanjikako nge mwakaya nakwizako? Ali ka Yuleya natwame kuze, kupwa kaha nge kala Muthu, asolokele nge mukakusonga. Oloze Ikiye angulwekanga yami ngana nge Ngwatwama na malunga faifi, kaha enu vosena munatachikiza muchano. Ou atela kupwa Meshiya.” Echi chakwoloka?

<sup>99</sup> Jino, Yesu ngwenyi, “Chindende kaha, lwola lwalundende, kaye kakeshi Kungumonako chekako. Oloze, enu namuya nakungumona Yami, mwomwo Nanguya nakupwa na enu,



na muli enu. Kaha eyi milimo eyi Ngulinakulinga namukaya nakuyilinga nawa. Kuhambakana omu Ngwalingile hano, namukalinga, mwomwo Nanguya kuli Tata, kukinduluka muchifwanyisa cha Shipilitu.”

Uze mulambu wakufweta lyehi. Ize Mbuto ya Wangana yafwile; Mbuto ya Wangana ya Wangana yejile cheka. Jino eli Liuka kwimana mukuvulukila kwoloka, ha kufwelela chize, kaha Mbuto ya Wangana yinahase kwiza muli ava vathu na kupwa vakuswana, vana vamaunga na vamaawevo va Kalunga.

<sup>100</sup> Jino, kuli enu vosena kuze, enu kamweshi mumukana wakulombelako, Ngwamulwekele ikiye kuhana makati kuli vathu kana. . .omwo Ngwamusanyikanga ikiye chimene chino. Ikiye vangusanyikile yami, ngwenyi, “Ove watondo kuya na kuhana makati amwe, tata?”

<sup>101</sup> Ngwambile ngwami, “Kachi kuli vathu vavavulu vaze vanafumu mu mbalaka.”

<sup>102</sup> Jino, lwola lumwe mu mbalaka Ngweji kuvulukanga na kuhana makati akulombelela. Ove twaya kinduluka, ngwove, “Chamwaza, ikiye avatachikijile. Vakiko vapwile kufuma mu mbalaka. Ikiye atachikijile chiyoyelo chavo. Punduvene.”

<sup>103</sup> Jino Ngwalumukile, Ngwambile ngwami, “Vaze kaha vakuweluka wa mbalaka, twayenu. Chosena chakwoloka. Enu vakuzeneka mbalaka, enu namuya nakupwa vamwe mumukana wakulombelela.”

<sup>104</sup> “Mamalelo, etu katwatachikijileko,” ngwenyi eyi mbalaka. “Etu tunahono kutachikiza ukalu uli halihi. Ikiye pamo napu wa kwonga hali echi.” Talenu?

<sup>105</sup> Kahajino Nanguhanjika, “Naumwe pimbi mweza. Echa Shipilitu Wajila ambate navaze vali muno kaveshi vakufuma mu mbalaka ko, kutwama kuze.” Hanga, enu namupwa kaha. . .

<sup>106</sup> Kakweshi numba jila yekako, ya kuneha muthu kuli Kalunga, kuvangila ikiye vamutongwele kupwa mwana Kalunga. Kakweshi numba jila yimwe yakulinga echiko. Yesu ambile ngwenyi, “Kakweshi muthu mweza kuli Yami kuvangila Tata Yami namukoko.” Kaha ou ukiko Muchano. Vyuma vyosena Ikiye alingile, kuze kwapwile chumachimwe chakulimbakala. “Kachi Ikiye alingile echi muli *eyi* jila, chatelanga kupwa muli *eyi* jila. Kaha *eyi* jila, chatela kupwa kunyima muli *eyi* jila.” Talenu, echi chinapu kaha kuzeneka kufwelela. Oloze mangana apwenga vakuvulukila kwoloka kuli vana venyi. Shikaho, enu, mwamono.

<sup>107</sup> Jino hano, Nguli nakweseka kuhanjika kuli—kuli echi chikungulwilo cha vathu, echi, nge Yesu Kulishitu apwile Mbuto ya Wangana. Keshi etu kahako; ali Ikiye. Etu twapwa kaha vaswana hali echi, oloze vyuma vyosena vinapu vyetu. Nachipwa ngachililihi kachi ove wemanyine kuze likumbi lize omwo Simon

ejile? Kaha, enu, naumwe pimbi. . . Echi chikiko chuma chatete Ikiye alingile.

<sup>108</sup> Jino, echi nachiya nakupwa chuma chatete kuli ava vathu, kachi Ikiye mwachilinga echi. Vakiko kanda lyehi vamone echi shimbu kanda.

<sup>109</sup> Oloze omwo Simon ejile, mukakuta ishi wakashinakaji, keshi na shikola yakutamo ya kusoneka lijina lyenyi nakumbata chihanda cha lipapilo. Eyi Mbimbiliya yahanjika ikiye apwile “wakuhona kutachikiza kaha wakuhona kulinangula.” Kaha aha hakiko hamakanyiko. Vosena vavali, “wakuhona kutachikiza kaha wakuhona kulinangula.” Kaha jino omwo Ikiye atambukile, muze muchinjikizo, kushinjika. . . Yesu, Yesu ambile ngwenyi, “Lijina lyove linapu Shimona.” Chumamuka ove unashinganyeka nge ikiye ahinganyekele ngachilihi? Chuma muka ove washinganyekele kachi ove muya nakwimana kuze? “Kaha lijina lyove lili Yona. Kaha kufuma hano vene namukakusanyika Petulu.” Chumamuka, chumauka ove kachi washinganyekele? Uze Lunga apwile nakutanga vishinganyeka vyenyi? Chamwaza, chumamuka kachi ove washinganyekele? Ove kachi washinganyekele nge chapwile chize cha Meshiya?

<sup>110</sup> Kachi echi chinapu chinjikizo cha Meshiya muli chisemunuino chimwe, echi chatela kupwa chinjikizo cha Meshiya, chisemunuino chamuchivali, chisemunuino cha muchitatu, chisemunuino chachiwana. Kala chisemunuino chatela kupwa chochimwe, mwomwo Kalunga keshi kuhasa kwalumukako. Kaha vangahi vatachikiza Meshiya apwilenga Kalunga? Punduvene. Echi chapwilenga Wakuwavisa. Punduvene. Shikaho Ikiye keshi kuhasa kwalumukako. Ikiye atela kupwa youmwe.

<sup>111</sup> Ou ukiko mulonga Ikiye atela chinjiho chuma chochimwe kuli ka Samaliya uze Ikiye alingile kuli va Yuleya. Mwomwo, vathu vamaufuchi atatu Ham, Sheme, na vathu va Yafweta; Yuleya, Vakamaufuchi eka na eka, na Vakasamaliya.

<sup>112</sup> Jino, enu talisenu Shipilitu Wajila? Vangahi vatachikiza Petulu apwile na jisapi jaku Wangana? Enu munatachikiza? ikiye asokolwele echi ha Likumbi lya Pendekosita, kuli va Yuleya. Fwilipu ayile na kunangula kuli vaka Samaliya, nakuvajimika mu Lijina lya Yesu Kulishitu, oloze Shipilitu Wajila tele kanda ezenga kuli vakiko. Vakiko vatumine na kusanyika Petulu, uze ahakile mavoko eyi hali vakiko kaha vakiko vanatambula Shipilitu Wajila. Echi chakwoloka? Kaha zuvo ya Kolenelyu, vaze—vaze Vakamaufuchi Vachitambwile. Mukiko kaha chapwile. Kufuma haze vene, ikiye ali kaha nakusokoloka kuli vosena jino. Shikaho yenu haze, talenu, Ikiye atela kusokolola. Kalunga atwama na jijila jakulinga vyuma.

<sup>113</sup> Jino, chimene chino, kachi Umwe Uze ahanyine Lushiko kuli Mbutu, kaha kachi mbutu yinatwame hano. . . Ngwatondo

kufwelela muthu wosena muli enu. Kachi Mbuto yinatwame hano, punduvene Mbuto nayimona Lushiko. Jino, umwe hali vase vathu kwimana hano vanakatula mavoko avo, vakiko kanda lyehi vapwenga mukuliwana kana. Vakiko vali vangeji kuli yami. Ngunahono kutachikiza umwe wavo. Vakiko vejile muno. Kaha minyutu yayindende kunyima okwo, Billy vahane makati akulombela, kaha hano vakiko kwimana hano. Kuli vavavulu muli enu kuze, kuzundula mavoko avo, nge enu kamwapwile na kati akulombela, kaha enu mwapwile vangeji hano. Echi kacheshi kupwa kalachuma chakulinga na echi. Ove fwelela kaha nge ove unapu swana wa lushiko. Ove fwelela kaha hali eyi mikiki Yenyi ove vakuhinduka. Kaha kufwelela echi na muchima wove wosena, na kutala Ikiye.

<sup>114</sup> Chuma chimwe ou wana, uli kaha kulihana ove lyavene kuli Ikiye. Kangweshi nakuhanjika chamokomoko ko; Ikiye eji kuhanjika. Kaha kachi eyi yinapu Shipilitu Yenyi ya upolofweto, uze kapolofweto lwola lwosena apwilenga na MUKIKO MWANAMBE MWATA. Echi chapwile lwola lwosena chakwoloka. Kaha kanda kuhaka Kunangula cha Kunangula ko, mwomwo nachiya nakupwa na mukana na Mbimbiliya, kachi ali Kalunga. Kalunga keshi kuhanjika chumachimwe, kaha jino yako kunyima kuli echi nakuwecha. Chatela kupwa chuma chochimwe lwola lwosena.

<sup>115</sup> Jino, enu okwo, enu mwafwelela. Na vyosena vili muli enu, enu mwafwelela. Jino kanda kutambuka nakujinguluka chekako. Twamenu kaha kulu jino, kala muthu.

Chindende kaha mukuunda nge omu muhashila.

Echi chasolokanga na, chimene chino, nge muthu watete kwimana hano ali muthu. Jino etu natuya nakumbata echi Chisoneka.

<sup>116</sup> Jino enu munamono oho Ngunemana? Vangahi navevwushisa? Hano malunga na mapwevo kwimana hano, nge kanda Nguhake meso hali, mu chiyoyelo chami. Vakiko kanda lyehi vapwenga mukuliwana, kaha ove kumona haze vakiko vemanyine. Vakiko vanahono kutachikiza chumamuka nachiya nakusoloka. Ngunahono kutachikiza chuma muka nachiya nakusoloka. Oloze Kalunga ashikile echi. Apalahama katachikijileko chumamuka nachiya nakusoloka omwo ikiye ambachile poko kuyifumisa muli Isaka, oloze Kalunga amushikile ikiye. Mukiko kaha. Ikiye amutambwile nge umwe wakufuma muvafu, kutachikiza Ikiye apwilenga wakutelamo kumusangula kumufumisa mukufwa. Echi chakwoloka? Shikaho mukiko kaha.

<sup>117</sup> Jino, hano imanenu lunga hali yami, Kanda lyehi ngumumone ikiye, kutachikiza nachuma chimwe hali ikiye. Etu tuvangeji kuli umwe na mukwavo. Etu katwalitachikiza umwe namukwavoko. Kalunga atachikiza etu vavali.

Jino, ha wana wa Ukalunga, kachi Nanguhasa kaha wa wana... Jino, aze mawana anasemuka muli enu. Kalunga atongwele shimbu kanda chikuku cha kaye. Vangahi vatachikiza echi? Shikaho echi kacheshi kupwa nakala chumako Ngwapwilenga, nakumbata wana. Kalunga asakwile kaha chize. Kangwa sakwilenga chize. Ikiye asakwile chize. Talenu? Nge tupolofweto va Tesitamende Yamwaka, kaha vathu vakuhandunuka, vakiko vapwile vakutongola kulinga echi, kulinga echi.

<sup>118</sup> Jino, kachi muthu ali nakuviza, Kangweshi kuhasa kumuhindulako. Kachi muthu anakutoneka, nachiya nakwimanyina ha chuma ikiye atondele nge Nanguya nakukafwa ikiye mokomoko keshiko. Pamo chinahase kupwa, kachi chapwile chumachimwe chikwavo nge ikiye... chuma chachindende Ngunahase kumukafwa ikiye, mwomwoika, Nanguya nakupwa wakuwahilila kulinga echi. Pamo ikiye akwechi matoto. Pamo ikiye keshi numba Mukakulishituko. Pamo ikiye apwa Mukakulishitu. Pamo ikiye napu mukakuhungumwisa. Ngunahono kutachikiza. Chuma muka kachi ikiye mwatuluka, umwe uze mwalivembelamo, kaha kwiza hano kaha kulilingisa lyavene nge chumachimwe? Tala omwo nachisoloka, talenu, kupwa kaha—tala chumamuka nachiya nakusoloka. Ngunahono kutachikiza.

<sup>119</sup> Oloze, talenu, enu munemana hano, kahajino enu munahase kwimana mwakukupuka, kutachikiza nge Kalunga ashikile lushiko, Kalunga alama lushiko Lwenyi. Talenu? Jino, kachi Kalunga alama lushiko Lwenyi, mukachi, hano vene, kuli ava vathu; vangahi vali nakuya nakutwama kuze, kaha na muchima wove wosena nauya nakufwelela echi? Muchima wove wosena, ove nauya nakufwelela? Kahajino ove unafwelela yami.

<sup>120</sup> Jino echa tutalenu. Echa tumbate Chisoneka. Jino, Shimona Petulu ejile kuli Mwata Yesu. Kaha hakwiza kuli Mwata Yesu, Mwata Yesu amulwekele ikiye apwile hiya, kaha—kaha amulwekele ikiye vyuma ha chiyoyelo chenyi. Chamwaza, youmwe Yesu ayoya na lelo. Ikiye... Enu mwafwelela Ikiye asangukile kufuma kuvafu? Ove wafwelela nge Shipilitu ya Meshiya kuyoyela mu Liuka, lelo, mwomumwe nge omu Chalingikile? Chosena chakwoloka.

<sup>121</sup> Jino, enu muli mulikungumbuwa, kaweshi kuhasa kupwa na kati yakulombela, enu talenu eyi jila nakuhanjika, “Mwata!” Mukiko vene, kakweshi makati akulombela mulikungumbuwa, Nguwakwechi vosena kwimana hano. Ove uli mulikungumbuwa kuhanjika, “Mwata, Ove weji kukwata yami.” Kuwana chuma muka nachisoloka. Wana chuma muka nachisoloka...?...

<sup>122</sup> Jino, mwane, kachi kuli jila muno mukaye ya kukafwa, Nanguya nakuchilinga. Talenu, Yami nguli kaha, etu tuvangeji hano, kaha Nguli—Nguli nakukuwana ove halwola

Iwatete. Oloze Nguli wakwimanyinako, kupwa mukakuzata, kwambulula Muchano na kupwa chinjiho cha Yesu Kulishitu. Kaha, jino, Kangwazangile enu kungulweka chuma chimwe. Ngwatondo kaha ove kungukumbulula yami chipwe unapu muchano mokomoko chiku, kaha jino echa Ikiye achilinge. Kaha kachi Ikiye mwaya nakuzata jila yimwe hano hakamenga, kuhichila muli ou mujimba, nge Ikiye alingile kuhichila mu mujimba wa Yesu!

Uze ikiye Kalunga, muli Kulishitu. Yesu ngwenyi, “Kangweshi kulinga chuma chimweko palanga Tata, ou ali muli Yami, kusolwesa Yami. Ikiye mwangulweka Yami mwakulingila.” Shikaho kachapwile Yesu uze amulwekele uze pwevo. Apwilenga Tata, muli Ikiye, amulwekele pwevo. Echi chapwile—kachapwile Yesu uze atachikijile hiya Shimona Petulu apwilenga, apwilenga Tata uze atwama muli Ikiye, atachikijile hiya Shimona Petulu apwilenga. Mukiko kaha. Talenu? Mukiko kaha.

<sup>123</sup> Nangukulweka ove, jino, ove wapwa Mukakulishitu, eyo, mwane, mwomwo ove uli na—na—na—na teta shipilitu yakuswamana. Kaha, ikiye, apwa mukakufwelela. Ikiye apwa Mukakulishitu. Kaha enu mulinakuyanda mwomwo yaukalu yakulizamina uze weji kumihananga uakalu wamujimo. Echi chakwoloka? [Uze ndumbu walunga ngwenyi, “Echi chakwoloka.”—Muka.] Talenu? Talenu? Jino, echi chikiko vene. Omu alingile chize? Ngunejiva ngachilihi? Ngachilihi muno mukaye Nguhase kutachikiza? Etu kanda lyehi valimone umwe namukwavo. Ou unapu muchano. Keshi ngochoko? [“Ou unapu muchano.”] Pamo Ikiye mwaya nakumulweka chumachimwe hali enu vavene. Nanguya nakukulweka. Hano hakiko hali chuma chimwe. Ngwamono pwevo na ove. Ikiye ali na ove. Ali pwevo lyove. Ikiye nawa ali nakutonda kukafwa chimwe, nawa. Eyo, mwane. Ove wafwelela Kalunga nahase kungulweka yami hano chuma muka chinahenge na pwevo lyove? [“Ngunatachikiza Ikiye nahase.”] Chosena chakwoloka, mwane. Ikiye akwechi ukalu wamuchima, ukalu waunene. Echi chakwoloka. Echi kacheshi ngochoko? Kulizakamina, nawa. Eyo, mwane. Jino, enu kamweshi kufuma muli ino mbongi. Ove yako kunyima *oku* omwo ove muya kwimbo, kuya ku Cincinnati. Echi chakwoloka. Ove wafuma ku Cincinnati ko, Ohio. Lijina Lyove lili Milliken. Kinduluka, yako kwimbo, yako kwimbo. Ou Mwata mwaya nakukisule kaha ove muya nakupwa wakuhinduka, ove kaha pwevo lyove. Kalunga akukisule.

Twaya, mwane. Ove wafwelela? Jino pwako kaha na lufwelelo. Kanda kukakasana.

<sup>124</sup> Jino pwako wakuunda. Kalamuthu jino kupwa wakuunda, hola kulu. Talenu, ou Shipilitu Wajila ali wakuhamuka. Vangahi vatachikiza echi? Napu wakuhamuka, Shipilitu Wajila, talenu, kupwa kaha kuhonesa nakuhonesa Ikiye chindende.

125 Kutesekesa na mandotolo, ove watela kufwa vene, na ukalu wamuchima. Echi chakwoloka. Enu muneza kuno kufuma ku Chicago, Mukulwane. Mosley. Lijina lyove lili Theodore. Ove wafwelela Kalunga? [Uze ndumbu walunga ngwenyi, “Eyo.”—Muka.] Kahajino yako kwimbo na kuyoya, mu Lijina lya Yesu Kulishitu, kaha pwako kanawa. Kalunga akukisule.

126 Ove wafwelela Kalunga? [Uze ndumbu wapwevo ngwenyi, “Punduvene linga. Eyo, mwane.”—Muka.] Ove weji kuyanda na ukalu walihiji lyove. Ove unafumiminyina mumbaka, nawa. Ove unafumu ku Owensboro, Kentucky. Lijina lyove linapu Pwevo lya Lamb. Yako kwimbo na kupwa kanawa.

127 Ove pwevo wakalemesa unatwame haze, nawa kufuma ku Owensboro. Ukwechi lihute kulivele lyove. Watela kulipula, hamene. Yako nakufwelela, na kuyoya.

128 Ove wafwelela, mwane? [Uze ndumbu walunga ngwenyi, “Eyo, Ngwafwelela.”—Muka.] Etu tuvangeji kuli umwe na mukwavo. Lijina lyove lili Mukulwane Gilmore. Echi chakwoloka. Enu twayenu kufuma ku Anderson, Indiana, kuze kuli Liuka lyalinene lya Kalunga kutambuka. Echi chakwoloka. Ove unema hano mwana wapevo ali nakuyanda chindende. Ikiye ali nakalepa chindende. Ove wafwelela? Kahajino yako kwimbo na kuwana jila yenyi ove wafwelela. Chosena chakwoloka. Kalunga akukisule. Pwako nalufwelelo. Fwelela.

129 Ove wafwelela namuchima wove wosena, mwane? [Uze ndumbu walunga ngwenyi, “Eyo, mwane.”—Muka.] Ove wafuma ku Indianapolis. Ove unapu mukakuzata mu Mujimbu wamwaza. Uze ikiye pwevo lyove. Huu-hu. Ikiye ali nakuyanda nawa. Ikiye akwechi ukalu walikangaliu mulikangaliu. Uze ndotolo. . . Ali na ukalu wa muchima; kulizakamina chindende. Ngwamono ikiye kupwa kajikwa matwitwi. Chumauka. . . Twaya hano.

Ove shipilitu wakajikwa matwitwi, mu Lijina lya Yesu Kulishitu, Ngunakulweke hali Kalunga wakuyoya, kulovoka muli pwevo.

Jino enu munahase kungwivwa yami kanawa jino. Enu munahase vosena kuya kwimbo na kupwa kanawa. Yako kwimbo lyove. Ove uli nakungwivwulila yami, kaha ove uli kanawa. Ove muya nakupwa kanawa.

130 Ove wafwelela namuchima wove wosena? Pwako kaha na lufwelelo muli Kalunga. Fwelela.

131 Chize kutenda muvifuwa na vyangocho chuma chachikalu. Ove wafwelela Kalunga nge mwaya nakukulingisa ove kupwa wakulikangula? Kahajino kutambuka nakushikumuka nakuhita muze. Yako kwimbo, kumwalisa Lijina Lyenyi, kuhanjika, “Ngwakusakwilila Ove, Mwata Yesu.”

Mulonga Ngwakwachile chize washiwashi, ou pwevo apwile na chuma chochimwe kutenda muvifuwa.

Ove wafwelela nge Kalunga mwaya nakukulingisa ove kupwa wakulikangula? [Uze ndumbu walunga ngwenyi, “Eyo.”—Muka.] Chosena chakwoloka, mwane. Kahajino kutambuka nakushikumuka nakuhita muze, nakuhanjika, “Ngwakusakwilila Ove, Mwata Yesu,” kaha yako kwimbo.

<sup>132</sup> Chosena chakwoloka, ndumbu wapwevo, alumuka kaha kinduluka, na kufwelela. Enu uli na mambuli akukola, hano, kaha ukalu wamuchima wove, kaha navyangocho. Alumuka kaha kinduluka kwimbo, hanjika, “Ngwakusakwilila Ove, Mwata Yesu,” kaha yako kanawa. Fwelela na vyosena vili muli ove.

<sup>133</sup> Enu mwafwelela? Ngachilihi okwo, enu vathu vamwe, enu mwafwelela?

<sup>134</sup> Pwevo wakalemesa wamundende natwame haze, ali na kutunya, ove unafwelela nge Kalunga mwaya nakukulingisa ove kupwa wakulikangula? Ove mwitavila echi? Chosena chakwoloka. Kachi ove muya, Ikiye mwaya nakuchilinga.

<sup>135</sup> Hano hanatwame mukakunangula, natwame hano, ali nakutonda kutambuka hamwe na Kalunga. Keshi ngochoko, mwane? Ove wafwelela Kalunga mwaya nakulinga echi kuli ove? Katula livoko lyove nakuhanjika, “Ngunetavila echi.” Huu-hu.

<sup>136</sup> Ou pwevo wakalemesa natwame hano, alimbilile livoko lyenyi hamavu. Ikiye akwechi ukalu wa mushipilitu ikiye ali nakushinganyeka. Echi chakwoloka.

<sup>137</sup> Hano hali pwevo wakalemesa wamundende hano, kulikomokela kachi ikiye mwaya nakupwa na kemba yenyi. Echi chakwoloka. Ove unapunga mukuliwana chami chimwe. Ngunakushiki, hali Kalunga, uze kemba. Kangwalingile Ngachizeko? Chosena chakwoloka. Kahajino yako kwimbo na kupwa nenyi. Kanda kulizakamina hali echiko cheka.

<sup>138</sup> Ove wafwelela namuchima wove wosena, wosena? Enu vosena mwafwelela? Ize Mbuto ya Apalahama nayikaheta chikolo, chikolo cha mukakole. Ove yove Mbuto ya Apalahama, hali Yesu Kulishitu? Imika mavoko enu kachi ove wapwa.

Kahajino haka livoko lyove hali alihata nenyi, alihata nenyi, alihata nenyi. Haka mavoko enu hali umwe namukwavo. Kuheta chikolo jino. Chinapu chove. Chinapu chatele ove. “Kulomba cha lufwelelo nachilwila uze naviji. Kalunga mwakaya nakuvasangula.” Chosena chakwoloka, lomba mujila yove. Lomba mujila ove weji kulinganga muliuka lyove. Valombeleleni vathu ali nayenu jino. Haka mavoko enu hali umwe namukwavo na kulomba.

<sup>139</sup> Mwata Yesu, etu tuneza muli echi chachinene, Lijina Iya Undume wa Mbuto ya Wangana, ize Mbuto ya Apalahama, uze

apwilenga Ikiye ha pili kuze Ove wanehele mukoko; na kuhaka mwana mukoko muze mupambo, chuma chakuswamana, chochimwe nge Ove walingile hali mihale, zau.

Ngwalombo, Ove Mwata Kalunga, nge Ove nauya nakutuma Ngolo, lufwelelo. Kaha echa Mbuto yosena . . . Ngunatachikiza vakiko navaya, Mwata, mwomwo Ove ngwove, “Ize Mbuto ya Apalahama.” Kaha kachi kuli vamwe hano vaze vanalifwanyisa kupwa Mbuto, kaha keshiko Mbuto, vakonekele mwomwo yakufwila chavo hnao, mokomoko valinakufwila. Kaha echa Shipilitu Wajila jino kuhaka myono yavo helu na lufwelelo lwa kuyoya. Echa Shipilitu Wajila asoneka lyehi mukachi ka muchima na kuka muthu wosena hano. Vakiko vakwechi mavoko avo hali umwe namukwavo.

Eyi Mbuto ya Wangana ngwayo, “Evi vinjikizo navikavakangiza vakiko vaze vakakufwelela. Kachi nge navakanangika mavoko hali vakakuviza, navakayoya.” Kaha Umwe Uze atungile lushiko ali hano vene, kusolola Lyavene nge Ikiye ali hano. Kuli Mbuto na mavoko avo hali umwe namukwavo. “Evi vinjikizo navikavakangiza vaze vakakufwelela.” Echa Shipilitu Wajila awavise mumavoko enu, kwingila mumichima ya vathu, kwingila mumijimba, na kuhindula wosena uze ali Kumeso a Ukalunga. Tuhanecho echi, Mwata.

Ngunatenukila liyavolo. Ngunatenukila kuzeneka kufwelela. Ngunatenukila kala shipilitu yayipi. Ngunatenukile kala mukakulyonga. Ngwatenukila vyuma vyosena vize vina kulimbalaka na Lizu Iya Kalunga. Kaha echa Shipilitu Wajila ambate chihela mumuchima wenyi mukachi ka vathu, hano vene, kuhichila mulufwelelo. Echa kala misongo na kala musongo, kala kuyanda chosena kufuma hali vathu, mu Lijina Iya Yesu Kulishitu. Amena.

<sup>140</sup> Jino, Mbuto ya Apalahama, enu vamumukana wangana, enu va lushiko, na likoji na kukafwa Kalunga, vangahi muli enu vanahase kuzundula livoko lyenu, kuhanjika, “Ngunatambula chuma Ngwalombanga.” Ngwasakwilila. Mukiko vene. Luze lukiko lushiko. Omu mukiko lushiko vanatuhane, mangana enu muhase kupwa swana wa vyuma vyosena, kuhichila muli Yesu Kulishitu uze akulwilile. Ikiye akulwilile kufuma mushili. Ikiye akulwilile kufuma mumisongo. Ikiye akulwilile kufuma mukufwa. Ikiye akulwilile kufuma muhetese. Ikiye akulwilile kufuma muchimbumbwe.

<sup>141</sup> Ove ngwove, “Ndumbu walunga Branham, oloze etu vosena tweji kuyanga muchimbumbwe.” Oloze chimbumbwe kuhasa kukwatako. Ikiye ayile kuli chize, nawa, oloze kachamukwachile Ikiyeko. Punduvane. Echi kacheshi kuhasa kumukwata Ikiyeko.

<sup>142</sup> “Chamwaza, Ndumbu walunga Branham, Ngulinakumwese vamwesekele.” Ikiye apwilenga, nawa. Oloze Ikiye akulwilile



kufuma hali chize cheseko.

<sup>143</sup> “Kanda mututwala muchesekoko, oloze tusokole kufuma kuli wamupi.” Talenu, Ikiye achilingile. Chinapu chove. Vyuma vyosena vinapu vyenu, kuhichila muli Yesu Kulishitu. Ikiye eji kukuhana ove vyuma vyosena, chawana. Kakweshi kufwetako, chipwe chumako. Uli kaha wove hano vene. Ove kaweshi kuhasa kuwahilila hali echiko? Ove kaweshi kuwahilila hali Ikiye ko? Kusakwilila kuli Kalunga.

<sup>144</sup> Jino, nakuya nakupwa kutanga, echi, ufukuuno. Eyo. Echi chili ufukuuno, seveni seti ufukuuno. Nanguya nakukwecha pashita kumilweka enu. Twaya kuno. Twaya kuno.

Jino, Chalumingo nachizaho nachimene, nge Mwata netava, Nanguya nakukinduluka nakulombelela vakakuviza, ha mbalaka, mokomoko kala kwosena. 🐦

59-1108 Kuheta Chikolo Cha Mukakole  
Branham Tabernacle  
Jeffersonville, Indiana U.S.A.

LUVALE

©2022 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembu kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonkelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)